

摘藻堂四庫全書薈要

史部

欽定四庫全書薈要

史部

資治通鑑卷三十七

詳校官編修

臣汪鏞



欽定四庫全書薈要卷七千二十三

史部

資治通鑑卷三十七

宋司馬光撰

胡三省音註

漢紀二十九

起屠維大荒落盡  
閏逢閏茂凡六年

王莽中

始建國元年春正月朔

去年十二月莽改元以十二月  
為歲首通鑑不書不與其改正

朔也莽帥公侯卿士奉皇太后璽韞

帥讀曰率璽斯氏翻  
師古曰韞謂璽之組

音弗上太皇太后順符命去漢號焉

上時掌翻  
去羌呂翻

初莽娶故

丞相王訢孫宜春侯咸女為妻

師古曰王訢為丞相初封宜春侯傳爵至孫咸

恩澤侯表宜春侯國於汝南

立以為皇后生四男宇獲前誅死安頗

荒忽

師古曰荒音呼廣翻

乃以臨為皇太子安為新嘉辟

師古曰辟君也

謂之辟者取為國君之義辟音壁

封宇子六人皆為公

千為功隆公壽為功明公吉為

功成公宗為功崇公世為功昭公利為功著公

大赦天下莽乃策命孺子為定

安公封以萬戶地方百里立漢祖宗之廟於其國與周

後並行其正朔服色

此皆空言耳

以孝平皇后為定安太后

讀策畢莽親執孺子手流涕歔歔

師古曰歔音許氣翻

又音希

曰

昔周公攝位終得復子明辟今予獨迫皇天威命不得

如意哀嘆良久中傅將孺子下殿北面而稱臣

漢諸侯王國有

太傅中傅太傅秩二千石中傅則在宮中傅王者耳賢曰前書音義曰中傅宦者也

百僚陪位莫

不感動又按金匱封拜輔臣

哀章所獻金匱圖金策書也

以太傅左

輔王舜為太師封安新公大司徒平晏為太傅就新公

少阿羲和劉秀為國師嘉新公廣漢梓潼哀章為國將

美新公

梓潼縣時屬廣漢郡將即亮翻下同

是為四輔位上公太保後承

甄邯為大司馬承新公丕進侯王尋為大司徒章新公

步兵將軍王邑為大司空隆新公是為三公太阿右拂

大司空甄豐為更始將軍廣新公京兆王興為衛將軍

奉新公輕車將軍孫建為立國將軍成新公京兆王盛

為前將軍崇新公是為四將凡十一公王興者故城門

令史

城門令史事城門校尉掌文書

王盛者賣餅

釋名餅併也溲麥使合併也蒸餅湯餅之

屬隨形而名之

莽按符命求得此姓名十餘人兩人容貌應卜

相

相息亮翻

徑從布衣登用以示神焉是日封拜卿大夫侍

中尚書官凡數百人諸劉為郡守者皆徙為諫大夫改

明光宮為定安館定安太后居之以大鴻臚府為定安

公第皆置門衛使者監領

臚陵如翻監古街翻

勅阿乳母不得與

嬰語常在四壁中

孟康曰令定安公居四壁中不得有所見漢官典職曰省中皆糊粉壁紫

素界之畫古烈士釋名曰壁辟也辟禦風寒也

至於長大不能名六畜

長知兩翻六畜

牛馬羊犬豕雞也養之曰畜用之曰牲畜者許救翻

後莽以女孫宇子妻之

莽長男宇

之子則女孫也妻七細翻

莽策命羣司各以其職如典誥之文置大

司馬司允大司徒司直大司空司若位皆孤卿

師古曰允信也

若順也余按古之三孤位六卿爵秩同六卿曰孤卿

更名大司農曰羲和後更為

納言

更工衡  
翻下同

大理曰作士太常曰秩宗大鴻臚曰典樂

少府曰共工

師古曰  
共音恭

水衡都尉曰予虞

皆放唐虞  
建官也

與三

公司卿分屬三公

司卿即司允  
司直司若

置二十七大夫八十一

元士分主中都官諸職又更光祿勳等名為六監皆上

卿

光祿勳曰司中太僕曰太御衛尉曰太尉執金吾曰  
奮武中尉曰軍正又置大贅官主乘輿服御物後又

典兵改郡太守曰大尹都尉曰大尉縣令長曰宰

守式又  
翻長知

兩翻長樂宮曰常樂室

樂音洛

長安曰常安其餘百官宮室

郡縣盡易其名不可勝紀

勝音升

封王氏齊縵之屬為侯



齊音咨縑裳而縑其下縑倉回翻

大功為伯小功為子緦麻為男其女

皆為任

師古曰任充也男服之義男亦任也音壬

男以睦女以隆為號焉

古師

曰睦隆皆其受封邑之號取嘉名也

又曰漢氏諸侯或稱王至於四夷亦

如之違於古典繆於一統

王太一統王者有天下之號也諸侯及四夷稱之非古也

繆戾也

其定諸侯王之號皆稱公及四夷僭號稱王者皆

更為戾於是漢諸侯王三十二人皆降為公王子侯者

百八十一人皆降為子其後皆奪爵焉

考異曰諸侯王表皆云莽篡

位貶為公明年廢王子侯表但云絕或云免皆在今年按明年立國將軍建泰諸劉為諸侯者以戶多少就五

等之差亦不云奪爵也後漢城陽王祉傳云  
劉氏侯者皆降為子後奪爵不知奪在幾年

莽又封

黃帝少昊顓頊帝嚳堯舜夏商周及皋陶伊尹之後皆

為公侯使各奉其祭祀

姚伯為初睦侯奉黃帝後梁護為修遠伯奉少昊後皇孫功隆

公千奉帝嚳後劉歆為初烈伯奉顓頊後國師劉歆子

疊為伊休侯奉堯後嫡昌為始睦侯奉虞帝後山遵為

褒謀侯奉皋陶後伊玄為褒衡子奉伊尹後周後衛公

姬黨更封為章平公殷後宋公孔弘更封為章昭侯夏

後遼西如豐封為章功侯

莽因漢承平之業府庫百官之富百蠻

賓服天下晏然莽一朝有之其心意未滿

未滿未寶足也 陋小

漢家制度欲更為疏闊

欲緩改制度以從古也

乃自謂

黃帝虞舜之後至齊王建孫濟北王安失國齊人謂之

王家因以為氏故以黃帝為初祖虞帝為始祖追尊陳

胡公為陳胡王田敬仲為田敬王濟北王安為濟北愍

王以黃帝之後分為有虞氏有虞之後封於陳田敬仲自陳奔齊為田氏田安之後為王家故也濟子禮翻

立祖廟五親廟四天下姚嬀陳田王五姓皆為宗室世

世復無所與復方目翻與讀曰豫下其復同封陳崇田豐為侯以奉胡

王敬王後天下牧守皆以前有翟義趙朋等作亂事見上卷

居攝元年守領州郡懷忠孝封牧為男守為附城以漢

高廟為文祖廟

師古曰欲法舜受終于文祖

漢氏園寢廟在京師者

勿罷祠薦如故諸劉勿解其復

復方目翻

各終厥身州牧數

存問

數所角翻

勿令有侵寃

莽以劉之為字卯金刀也詔

正月剛卯金刀之利皆不得行

服虔曰剛卯以正月卯日作佩之長三寸廣一

寸四方或用玉或用金或用桃著草帶佩之今有玉在者銘其一面曰正月剛卯金刀莽所鑄之錢也晉灼曰

剛卯長一寸廣五分四方當中夾從穿作孔以糸絲葺其底如冠纓頭黠刻其上面作兩行書文曰正月剛卯

既央靈爰四方青赤白黃四色是當帝令祝融以教變龍庶疫剛瘳莫我敢當其一銘曰疾日嚴卯帝令變化順爾固伏化茲靈爰既正既直既觚既方庶疫剛瘳莫我敢當師古曰今往往有土中得玉剛卯者葉大小反

文服說是也莽以劉字上有卯下有金旁有刀故禁剛卯及金刀也余按劉字上本從卯莽以卯字近卯故云

爾

乃罷錯刀契刀

孔穎達曰古文有刀刀有二種一是契刀一是錯刀契刀直五百錯刀直

一千契刀無鏤而錯刀用金鏤之刀形如錢而邊作刀字形也故世猶呼錢為錢刀及五銖錢更

作小錢

衡更工翻

徑六分重一銖文曰小錢直一與前大錢

五十者為二品並行欲防民盜鑄乃禁不得挾銅炭

夏四月徐鄉侯劉快結黨數千人起兵於其國

師古曰快膠東

恭王子也而王子侯表作快從火與此不同疑表誤也

快兄殷故漢膠東王時為

扶崇公快舉兵攻即墨

即墨膠東國都殷膠東康王寄玄孫之子也

殷閉城

門自繫獄吏民距快快敗走至長廣死

地理志長廣縣屬琅邪郡莽

赦殷益其國滿萬戶地方百里 莽曰古者一夫田百

畝什一而稅

孟子曰周人百畝而徹此言周制也

則國給民富而頌聲作

秦壞聖制廢井田

見二卷周顯王十九年壞音怪

是以兼并起貪鄙生

彊者規田以千數弱者曾無立錫之居又置奴婢之市

與牛馬同闡

師古曰闡謂遮闡之若牛馬闡圈也

制於民臣顓斷其命繆

於天地之性人為貴之義

孝經孔子曰天地之性人為貴斷丁亂翻

減輕田

租三十而稅一常有更賦罷瘡咸出

師古曰更音工衡翻罷讀曰疲瘡音

隆晉灼曰雖老病者皆復出口筭

而豪民侵陵分田劫假

師古曰分田謂貧者無田

而取富人田耕種共分其所收也假亦謂貧人賃富人之田也劫奪其稅侵欺之也

厥名三

十稅一實什稅五也故富者犬馬餘菽粟驕而為邪貧

者不厭糟糠窮而為姦俱陷于辜刑用不錯

師古曰錯置也音千

故今更名天下田曰王田奴婢曰私屬

更工衡翻下同

皆不得

賣買其男口不盈八而田過一井者分餘田予九族鄰

里鄉黨

予讀日與

故無田今當受田者如制度敢有非井田

聖制無瀆惑衆者投諸四裔以禦魑魅

師古曰魑山神也魅老物精也

魑音螭魅音媚

如皇始祖考虞帝故事

舜投四凶於四裔以禦魑魅

秋遣

五威將王奇等十二人

五威將分左右前後中帥衣冠車服駕馬各如其方面色數將

即亮翻帥所類翻下同

班符命四十二篇於天下德祥五事符命

二十五福應十二五威將奉符命齎印綬王侯以下及

吏官名更者

師古曰更改也

外及匈奴西域徼外蠻夷

徼吉弔翻下同

皆即授新室印綬因收故漢印綬大赦天下五威將乘

乾文車

鄭氏曰畫天文於車也

駕坤六馬

鄭氏曰坤為北馬六地數

背負鷩鳥

之毛服飾甚偉

師古曰鷩鳥雉屬即鷩鷩也今俗呼云山雞非也鷩音鼈

每一將各



置五帥將持節帥持幢

帥所類翻幢傳江翻幡也

其東出者至玄菟

樂浪高句驪夫餘

菟音塗樂浪音洛琅陸德明曰句俱付翻又音駒驪力支翻師古曰夫音

扶范曄曰武帝滅朝鮮開高句驪為縣使屬玄菟其人  
有五部在遼東之東千里夫餘在玄菟北千里東明之

後也高句驪朱蒙  
之後以高為氏

南出者踰徼外歷益州改句町王為

侯

徼外邊徼之外益州武帝所置益州郡也昭帝時姑繒葉榆夷反句町侯亡波擊反者有功立為王踰與

踰同徼工鈞翻句町音劬挺

西出至西域盡改其王為侯北出至匈

奴庭授單于印改漢印文去璽言章

印符也信也亦因也封物相因付漢

官儀曰諸侯王黃金橐駝鈕文曰璽列侯黃金龜鈕文  
曰章御史大夫金印中二千石銀印龜鈕文曰章千石

至四百石皆銅印文曰印為莽以更印  
綬撓亂四夷張本去羌呂翻壘斯氏翻

冬雷桐華

以統睦侯陳崇為司命主司察上公以下又以說符侯

崔發等為中城四關將軍主十二城門及繞雷羊頭有

龜汧隴之固

中城將軍主十二城門四關將軍分主繞雷羊頭有龜汧隴四處三輔黃圖長安城

東出南頭第一門曰霸城門莽改曰仁壽門第二門曰清明門莽曰宣德門東出北頭第一門曰宣平門莽曰

春王門南出東頭第一門曰覆盎城門莽曰更清門第二門曰安門莽曰光禮門第三門曰便門莽曰信平門

西出南頭第一門曰章城門莽曰萬秋門第二門曰直城門莽曰正道門第三門曰雍門莽曰章儀門北出東

頭第一門曰洛門第二門曰厨城門莽曰建子城門第三門曰橫門服虔曰繞雷隘險之道師古曰謂之繞雷

者言四面阮塞其道屈曲谿谷之水回繞而雷也其處  
即今之商州界七盤十二繞是也雷音力救翻羊頭山  
名在上黨長子縣有山也鼃鼃池也皆在陝縣之東  
也汧扶風汧縣有吳山汧水之阻隴謂隴坻也汧隴相  
連鼃彌充翻汧口  
堅翻坻丁禮翻 皆以五威冠其號  
冠古玩翻 又遣諫大

夫五十人分鑄錢於郡國 是歲真定常山大雨雹

雨于

具翻

二年春二月赦天下 五威將帥七十二人還奏事漢

諸侯王為公者悉上璽綬為民

上時掌翻

無違命者獨故廣

陽王嘉以獻符命

廣陽王嘉燕王旦之玄孫

魯王閔以獻神書中山

王成都以獻書言莽德皆封列侯

班固論曰昔周封國八百同姓五十有餘所以親親

賢賢關諸盛衰深根固本為不可拔者也故盛則周

召相其治致刑錯

相息亮翻治直吏翻錯千故翻

衰則五伯扶其弱

與共守

師古曰伯讀曰霸此五霸謂齊桓宋襄秦穆晉文吳子夫差也

天下謂之共

主

如淳曰雖至微弱猶共以為之主

彊大弗之敢傾

師古曰言諸侯雖彊大不敢傾

也

歷載八百餘年數極德盡降為庶人用天年終

謂報王也

秦訕笑三代竊自號為皇帝而子弟為匹夫內

無骨肉本根之輔外無尺土藩翼之衛陳吳奮其白

梃

應劭曰白梃大杖也孟子曰可使制梃以撻秦楚是也師古曰梃音徒鼎翻

劉項隨而

斃之故曰周過其歷秦不及期國執然也

應劭曰武王克商卜

世三十卜年八百今乃三十六世八百六十七年此謂過其歷者也秦以謚法少恐後世相襲自稱始皇

帝子曰二世欲以一逞萬今漢興之初懲戒亡秦孤至于而亡此之謂不及期也

立之敗於是尊王子弟

王于況翻

大啓九國自雁門以東

盡遼陽為燕代

師古曰遼陽遼水之陽也

常山以南太行左轉度

河濟漸于海為齊趙

師古曰太行山名也左轉亦謂自太行而東也漸入也一曰浸

也濟子禮翻漸音穀泗以往奄有龜蒙為梁楚晉灼曰水

經云泗水出魯國卞縣臣瓚曰穀在彭城泗東帶江

湖薄會稽為荆吳文穎曰即今吳也高祖六年為荆國十六年更名吳師古曰荆吳同

是一國薄伯各翻會工外翻北界淮瀕略廬衡為淮南師古曰瀕水厓也廬

衡二山名波漢之陽亘九嶷為長沙鄭氏曰波音陂澤之陂孟康曰亘竟也音

古贈翻師古曰波漢之陽者循漢水而往也水北曰陽波音彼皮翻又音彼義翻九嶷山名有九峯在零

陵營道嶷音疑諸侯比境周匝三垂外接胡越師古曰比謂相次也三垂

謂東北南也比音天子自有三河東郡潁川南陽自

潁寐翻接連也

江陵以西至巴蜀北自雲中至隴西與京師內史凡

十五郡公主列侯頗邑其中

師古曰十五郡中又往往有列侯公主之邑

而藩國大者夸州兼郡連城數十宮室百官同制京

師可謂矯枉過其正矣

師古曰夸音誇枉曲也正曲曰矯言矯秦孤立之敗而大

封子弟過於彊盛以至失其中也

雖然高祖創業日不暇給孝惠享

國又淺高后女主攝位而海內晏如亡狂狡之憂卒

折諸呂之難

亡古無字通卒子恤翻難乃旦翻下同

成太宗之業者亦

賴之於諸侯也然諸侯原本以大末流濫以致溢小

者淫荒越灋大者睽孤橫逆以害身喪國

師古曰睽孤乖刺之

意睽音工携翻橫戶孟翻喪息浪翻

故文帝分齊趙

事見十四卷文帝二年又見十六年

景帝削吳楚

事見十六卷景帝三年

武帝下推恩之令而藩國

自析

事見十八卷武帝元朔二年

自此以來齊分為七

師古曰謂齊城陽濟

北濟南淄川膠西膠東也

趙分為六

謂趙平原真定中山廣川河間也

梁分為五

師古曰謂梁濟川濟東山陽濟陰也

淮南分為三

師古曰謂淮南衡山廬江

皇子始

立者大國不過十餘城長沙燕代雖有舊名皆亡南

北邊矣

如淳曰長沙之南更置郡燕代以北更置緣邊郡其所有饒利兵馬器械三國皆失之也



亡古無字  
通下同

景遭七國之難抑損諸侯減黜其官

師古曰謂

改丞相曰相省御史大夫廷尉少府宗  
正博士損大夫謁者諸官長丞員等也

武有衡山淮

南之謀

事見十九卷武帝元  
朔五年及元狩三年

作左官之律

服虔曰仕  
於諸侯為

左官絕不使得仕於王朝也應劭曰人道尚右今舍  
天子而仕諸侯故謂之左官也師古曰左官猶言左  
道也蓋僻左不正應說是也漢時依上古灋朝廷之  
列以右為尊故謂降秩者為左遷仕諸侯者為左官

設附益之灋

張晏曰律鄭氏說封諸侯過限曰附益  
或曰阿媚王侯有重法也師古曰附益

者蓋取孔子云求也為之聚斂而附益  
之之義也皆背正法而厚於私家也

諸侯惟得衣

食稅租不與政事

與讀曰預

至於哀平之際皆繼體苗裔

親屬疎遠

師古曰言非始封之君皆其後裔也故於天子益疎遠矣

生於帷牆之

中不為士民所尊執與富室亡異而本朝短祚國統

三絕

師古曰謂成哀平皆早崩又無繼嗣亡古無字通

是故王莽知漢中外

殫微

師古曰殫盡也音單

本末俱弱無所忌憚生其姦心因母

后之權假伊周之稱顓作威福廟堂之上不降階序

而運天下

師古曰序謂東西廂

詐謀既成遂據南面之尊分遣

五威之吏馳傳天下

傳知總制

班行符命漢諸侯王厥角

稽首

應劭曰厥者頓也角者額角也稽首首至地也言王莽漸漬威福日久亦值漢之單弱王侯見

莽篡弑莫敢怨望皆厭角稽首至地而上其璽綬也  
晉灼曰厭猶豎也叩頭則額角豎師古曰應詭是也  
奉上璽韞惟恐在後或乃稱美頌德以求容媚豈不  
哀哉

國師公劉秀言周有泉府之官收不售與欲得

師古曰言賣不

售者官收取之無而欲得者官出與之

即易所謂理財正辭禁民為非者

也

易下繫辭曰理財正辭禁民為非曰義

莽乃下詔曰周禮有賒貸

師古曰周

禮泉府之職曰凡賒者祭祀無過旬日喪紀無過三月凡人之貸者與其有司辨而授之以國服為之息謂以祭祀喪紀故從官賒買物不過旬日及三月而償之其從官賒物者以其其所屬吏定價而後與之各以其國

服之稅而輸息謂若受園廛之田而貸萬錢者一畚之月出息五百音土戴翻樂語有五均

鄧展曰樂語樂元語河間獻王所傳道五均事臣瓚曰其文云天子取諸侯之上以立五均則市無二價四民

常均彊者不得困弱富者不得要貧則公家有餘恩及小民矣傳記各有筦焉筦古今

開賒貸張五均設諸筦者所以齊衆庶抑并兼也遂於

長安及洛陽邯鄲臨菑宛成都立五均司市錢府官司

市常以四時仲月定物上中下之賈邯鄲音寒丹宛於元翻師古曰賈讀

曰價下同各為其市平民賣五穀布帛絲綿之物不售者均

官考檢厥實用其本賈取之物貴過平一錢則以平賈

賣與民賤減平者聽民自相與市又民有乏絕欲賒貸

者錢府予之

予讀曰與

每月百錢收息三錢又以周官稅民

凡田不耕為不殖出三夫之稅城郭中宅不樹藝者為

不毛

師古曰樹藝謂種樹果木及菜蔬

出三夫之布民浮游無事出夫

布一疋其不能出布者宀作縣官衣食之

師古曰宀散也音人勇翻

衣音於既翻食讀曰飢

諸取金銀連錫鳥獸魚鱉於山林水澤

孟康

曰連錫之別名也李奇曰鉛錫應劭曰連似銅師古曰孟李二說皆非也許慎曰鏈銅屬也一曰井也鏈抽延

翻又陵延翻

及畜牧者

畜許六翻

嬪婦桑蠶織紵紡績補縫

師古曰機

縷曰絰音人禁翻

工匠醫巫卜祝及他方技商販賈人皆各自

占所為於其所之

技渠綺翻賈音古占之瞻翻下同之往也

縣官除其本計

其利十分之而以其一為貢敢不自占自占不以實者

盡沒入所采取而作縣官一歲義和魯匡復奏請榷酒

酤

復扶又翻榷古岳翻酤音故

莽從之又禁民不得挾弩鎧犯者徙

西海

初莽既班四條於匈奴

四條見三十五卷平帝元始二年

後護

烏桓使者告烏桓民毋得復與匈奴皮布稅匈奴遣使

者責稅

護烏桓使者即護烏桓校尉范曄曰烏桓自為冒頓所破常臣伏匈奴歲輸牛馬羊皮過時不

具輒沒其妻子武帝遣霍去病擊破匈奴左地因徙烏桓於上谷漁陽右北平遼西遼東五郡塞外後置護烏桓校尉秩二千石擁節監領之師古曰故時常稅是以求之

收烏桓酋豪縛倒懸之

酋豪兄弟怒共殺匈奴使

酋慈由翻

單于聞之發左賢王兵

入烏桓攻擊之頗殺人民毆婦女弱小且千人去置左

地

毆讀曰驅

告烏桓曰持馬畜皮布來贖之烏桓持財畜往

贖匈奴受留不遣

師古曰受其財畜而留人不遣

及五威將王駿等六

人至匈奴

六人一將五帥也

重遺單于金帛

遺于季翻下同

諭曉以受

命代漢狀因易單于故印故印文曰匈奴單于璽莽更

曰新匈奴單于章

師古曰新者莽自係其國號更工衡翻

將率既至

率讀與帥

同所類翻

授單于印鞞

鞞音弗

詔令上故印綬

上時掌翻下同綬音受

單

于再拜受詔譯前欲解取故印鞞

譯通中國之語於匈奴者也

單于

舉掖授之左姑夕侯蘇從旁謂單于曰

蘇者姑夕侯之名

未見

新印文宜且勿與單于止不肯與請使者坐穹廬單于

欲前為壽

奉酒為使者壽

五威將曰故印綬當以時上單于曰

諾復舉掖授譯

復扶又下同

蘇復曰未見印文且勿與單于

曰印文何由變更

更工衡翻

遂解故印綬奉上將帥受著新



紱

著陟略翻

不解視印飲食至夜乃罷右帥陳饒謂諸將帥

曰邲者姑夕侯疑印文幾令單于不與人

幾居希翻

如令視

印見其變改必求故印此非辭說所能距也既得而復

失之辱命莫大焉不如椎破故印以絕禍根將帥猶與

莫有應者

師古曰與讀曰豫

饒燕士果悍

師古曰果決也悍勇也悍音胡幹翻又下

罕翻即引斧椎壞之

壞音怪下同

明日單于果遣右骨都侯當

白將帥曰漢單于印言璽不言章又無漢字諸王已下

乃有漢言章

言諸王已下印文有漢字最下文言章字

今去璽加新

言去璽字為章

字又加新字  
也去羌呂翻

與臣下無別

言無所別異也別彼列翻

願得故印將帥

示以故印謂曰新室順天制作故印隨將帥所自為破

壞單于宜承天命奉新室之制當還白單于知已無可

奈何又多得賂遺即遣弟右賢王與奉馬牛隨將帥入

謝因上書求故印將帥還左犁汙王咸所居地見烏桓

民多以問咸咸具言狀

具言前所以略烏桓民之狀

將帥曰前封四

條不得受烏桓降者亟還之

降戶江翻

咸曰請密與單于相

聞得語歸之

謂得單于遣歸之語然後歸之也

單于使咸報曰當從塞

內還之邪從塞外還之邪將帥不敢顓決以聞詔報從

塞外還之莽悉封五威將為子帥為男獨陳饒以破璽

之功封威德子

饒帥也以功為子

單于始用夏侯藩求地有拒

漢語

見三十二卷成帝綏和元年

後以求稅烏桓不得因寇掠其人

民釁由是生重以印文改易故怨恨

重直龍翻

乃遣右大且

渠蒲呼盧訾等十餘人

且子余翻訾子斯翻

將兵衆萬騎以護送

烏桓為名勒兵朔方塞下

師古曰陽云護送烏桓人實來為寇

朔方太守

以聞莽以廣新公甄豐為右伯

莽以符命分陝立二伯豐為右伯平晏為左伯

當出西域車師後王須置離聞之憚於供給煩費謀亡

入匈奴都護但欽召置離斬之

但姓欽名

置離兄輔國侯狐

蘭支將置離衆二千餘人亡降匈奴

車師國有輔國侯猶相也擊胡侯猶

將也將即亮  
翻降戶江翻

單于受之遣兵與狐蘭支共入寇擊車師

殺後城長

後城即車師後王城也長知兩翻

傷都護司馬及狐蘭兵復

還入匈奴

匈奴兵既殺傷漢吏復與狐蘭支兵還入匈奴也

時戊己校尉刁護

病

姓譜刁齊大夫豎刁之後余按豎刁奇人安得有後史記貨殖傳有刁間校戶校翻

史陳良終

帶司馬丞韓玄右曲候任商

史校尉之史也司馬丞司馬之丞也右曲候軍分左

石部部下有  
曲曲有候

相與謀曰西域諸國頗背叛背蒲匈奴大

侵要死可殺校尉帥人衆降匈奴

如淳曰言匈奴來侵會當死耳可降匈奴

也師古曰要音一遙翻言要之必死也帥讀曰率

遂殺護及其子男昆弟盡脅

略戊巳校尉吏士男女二千餘人入匈奴單于號良帶

曰烏賁都尉

師古曰賁音奔桓都將軍西域傳云烏賁都尉今從之

冬十一月立國將軍孫建奏九月辛巳陳良終帶自稱

廢漢大將軍亡入匈奴

廢漢言漢氏已廢滅也孫建之言云爾

又今月癸

酉不知何一男子遮臣建車前自稱漢氏劉子輿成帝

下妻子也

師古曰下妻猶言小妻

劉氏當復趣空宮

師古曰復音扶福翻趣讀

曰促收繫男子即常安姓武字仲

莽改長安曰常安

皆逆天違命

大逆無道漢氏宗廟不當在常安城中及諸劉當與漢

俱廢陛下至仁久未定前故安衆侯劉崇等更聚衆謀

反劉崇事見上卷居攝元年更反謂崇敗後

今狂狡之

虜復依託亡漢

復扶又翻

至犯夷滅連未止者此聖恩不蚤

絕其萌芽故也臣請漢氏諸廟在京師者皆罷諸劉為

吏者皆待除於家

師古曰罷黜其職各使退歸而言在家待還除

莽曰可嘉新

公國師以符命為予四輔明德侯劉龔率禮侯劉嘉等

考異曰燕王旦傳廣陽王嘉封扶美侯莽傳云率禮侯劉嘉未知其改封或別一人也余按率禮侯劉嘉

安眾侯劉崇之族父也凡三十二人皆知天命或獻天

符或貢昌言或捕告反虜厥功茂焉諸劉與三十二人

同宗共祖者勿罷賜姓曰王唯國師公以女配莽子故

不賜姓

國師公秀女愔配莽之子臨

定安公太后自劉氏之廢常稱

疾不朝會

朝直遙翻

時年未二十莽敬憚傷哀欲嫁之乃更

號曰黃皇室主

師古曰莽自謂土德故云黃皇室主若漢之稱公主余謂室主若言未嫁在室

者也更工欲絕之於漢令孫建世子盛飾將醫往問疾

后大怒鞭笞其傍侍御因發病不肯起莽遂不復彊也

漢孝平王后周天元楊后猶有婦人內夫家外父母家之意然夷考二后本末天元楊后不逮孝平后也復扶

又翻彊其兩翻 十二月雷莽恃府庫之富欲立威匈奴乃

更名匈奴單于曰降奴服于降戶江翻下詔遣立國將軍孫

建等率十二將分道並出五威將軍苗訢姓譚引風俗通曰楚大夫

伯勢之後賁皇奔晉食采於苗因而氏焉訢音欣虎賁將軍王況出五原厭難

將軍陳欽震狄將軍王巡出雲中師古曰厭音一涉翻難乃旦翻振武



將軍王嘉平狄將軍王萌出代郡相威將軍李琴鎮遠

將軍李翁出西河

相息亮翻師古曰琴音所林翻

誅貉將軍楊俊討濊

將軍嚴尤出漁陽

貉音陌莫百翻濊音穢

奮武將軍王駿定胡將

軍王晏出張掖及偏裨以下百八十人募天下囚徒丁

男甲卒三十萬人轉輸衣裘兵器糧食自負海江淮至

北邊使者馳傳督趣以軍興灋從事

言事誅斬也傳知趣翻趣讀曰促

先至者屯邊郡須畢具乃同時出窮追匈奴內之丁令

師古曰逐之遣入丁零也令音零

分其國土人民以為十五立呼韓邪

子孫十五人皆為單子

莽以錢幣訖不行復下書曰

寶貨皆重則小用不給皆輕則儻載煩費

復扶又翻下同師古曰就

送也一曰賃也音子就翻

輕重大小各有差品則用便而民樂

樂音洛

於是更作金銀龜貝錢布之品名曰寶貨

更工衡翻

錢貨六

品小錢徑六分重一銖名曰小錢直一次七分三銖曰

么錢直十次八分五銖曰幼錢二十次九分七銖曰

中錢三十次一寸九銖曰壯錢四十次

前金貨一品黃

大錢五十為六品師古曰么音一遙翻

一斤直錢萬銀貨二品

朱提銀重八兩為一流直一千五百八十他銀一流直千是為

是為一品

二品師古曰朱音龜貨四品

元龜岨冉長尺二寸直二千六百一十公龜九寸直

殊提音上支翻

五百侯龜七寸以上直三百于龜五寸以上直百是為  
四品孟康曰丹龜甲緣也唯至也度背兩邊緣尺二寸  
也元音  
貝貨五品 大貝四寸八分以上二枚為一朋直  
大也 二百一十六壯貝三寸六分以上一

朋直五十么貝二寸四分以上一朋直三十小貝寸二  
分以上一朋直十不盈寸二分漏度不得為朋率枚直

錢三是為五  
品貝紫貝也 布貨十品 大布次布弟布壯布中布差布  
厚布幼布么布小布小布長寸

五分重十五銖文曰小布一百自小布以上各相長一  
分相重一銖文各為其布名直各加一百上至大布長  
二寸四分重一兩而直千錢矣師古曰 凡寶貨五物六  
布亦錢耳謂之布者言其分布流行也

名二十八品鑄作錢布皆用銅殼以連錫百姓潰亂  
漢

書作 其貨不行莽知民愁乃但行小錢直一與大錢五

十二品並行龜貝布屬且侵盜鑄錢者不可禁乃重其  
灋一家鑄錢五家坐之沒入為奴婢吏民出入持錢以

副符傳不持者厨傳勿舍關津苛留

師古曰舊法行者持符傳即不稽留

今更令持錢與符相副乃得過也厨行道飲食處傳置驛之舍也苛問也傳音張德翻苛音何

公卿皆

持以入宮殿門欲以重而行之是時百姓便安漢五銖

錢以莽錢大小兩行難知又數變改不信

數所角翻

皆私以

五銖錢市買訛言大錢當罷莫肯挾莽患之復下書諸  
挾五銖錢言大錢當罷者比非井田制投四裔及坐賣

買田宅奴婢鑄錢自諸侯卿大夫至于庶民抵罪者不

可勝數

勝音升

於是農商失業食貨俱廢民人至涕泣於

市道

莽之謀篡也吏民爭為符命皆得封侯其不為

者相戲曰獨無天帝除書乎司命陳崇白莽曰此開姦

臣作福之路而亂天命宜絕其原莽亦厭之遂使尚書

大夫趙並驗治

莽分九卿每一卿置三大夫尚書大夫蓋屬共工也治直之翻

非五威

將帥所班皆下獄

下遐稼翻

初甄豐劉秀王舜為莽腹心唱

導在位褒揚功德安漢宰衡之號及封莽母兩子兄子

事並見  
上卷

皆豐等所共謀而豐舜秀亦受其賜並富貴矣

非復欲令莽居攝也

復扶又  
翻下同

居攝之萌出於泉陵侯劉

慶前輝光謝蹏

事見上卷元始五年周申伯  
邑於謝其後子孫以謝為氏

長安令田

終術

事不見  
於史

莽羽翼已成意欲稱攝豐等承順其意莽

輒復封舜秀豐等子孫以報之豐等爵位已盛心意既

滿又實畏漢宗室天下豪傑而疏遠欲進者並作符命

莽遂據以即真

謂哀章等也  
疏與蹀同

舜秀內懼而已豐素剛彊

莽覺其不說故託符命文徙豐為更始將軍

說讀曰悅  
更工衡翻

與賣餅兒王盛同列豐父子默默時子尋為侍中京兆大尹茂德侯即作符命新室當分陝立二伯以豐為右伯太傅平晏為左伯如周召故事

師古曰自陝以東周公主之自陝以西召

公主之陝即今陝州是其地也伯長也陝音式再翻召讀曰邵

莽即從之拜豐為右伯

當述職西出未行尋復作符命言故漢氏平帝后黃皇室主為尋之妻莽以詐立心疑大臣怨謗欲震威以懼下因是發怒曰黃皇室主天下母此何謂也收捕尋尋亡豐自殺尋隨方士入華山

華山在華陰縣南華戶化翻

歲餘捕得

辭連國師公秀子隆威侯茶

師古曰茶亦芬字也音扶云翻

茶弟右曹

長水校尉伐虜侯泳大司空邑弟左關將軍掌威侯奇

莽置左關將軍主函谷

及秀門人侍中騎都尉丁隆等牽引公卿

黨親列侯以下死者數百人乃流茶于幽州放尋于三

危殛隆于羽山

師古曰放舜之罰共工等也

皆驛車傳致其屍云

傳知

翻是歲莽始興神仙事以方士蘇樂言起八風臺臺

成萬金

師古曰費直萬金也

又種五梁禾於殿中

師古曰五色禾也谷永所云耕

耘五德者也晉灼曰翼氏風角五德東方甲南方丙西方庚北方壬中央戊種五色禾於此地而耕耘也汜勝



之曰梁  
是秣粟

先以寶玉漬種

煮鶴髓瑋瑁屑玉二十餘  
物取汁以漬種種章勇翻

計粟

斛成一金

三年遣田禾將軍趙並發戍卒屯田五原北假以助軍

糧莽遣中郎將蘭苞副校尉戴級將兵萬騎多齎珍

寶至雲中塞下招誘呼韓邪諸子欲以次拜為十五單

于苞級使譯出塞誘呼左犁汗王咸咸子登助三人至

誘音  
酉

至則脅拜咸為孝單于助為順單于皆厚加賞賜

傳送助登長安

傳張  
總翻

莽封苞為宣威公拜為虎牙將軍

封級為揚威公拜為虎賁將軍單于聞之怒曰先單于

受漢宣帝恩不可負也

先單于謂呼韓邪單于

今天子非宣帝子

孫何以得立遣左骨都侯右伊秩訾王呼盧訾及左賢

王樂將兵入雲中益壽塞大殺吏民

訾子斯訕

是後單于歷

告左右部都尉

即左右大都尉也

諸邊王

諸王庭近漢邊者

入塞寇盜

大輩萬餘中輩數千少者數百殺鴈門朔方太守都尉

略吏民畜產不可勝數

勝音升

緣邊虛耗是時諸將在邊

以大衆未集未敢出擊匈奴討滅將軍嚴尤諫曰

滅音穢

臣聞匈奴為害所從來久矣未聞上世有必征之者也

後世三家周秦漢征之然皆未有得上策者也周得中

策漢得下策秦無策焉當周宣王時獫狁內侵至于涇

陽地理志安定郡有涇陽縣賢曰涇陽故城在今原州平涼縣南命將征之盡境而還

其視戎狄之侵譬猶蠱螫毆之而已蟲古蚊字蠱音故

天下稱明是為中策漢武帝選將練兵約齊輕糧師古曰約

少也少深入遠戍雖有克獲之功胡輒報之兵連禍結

三十餘年中國罷耗匈奴亦創艾師古曰罷讀曰疲耗損也創音初向翻艾

讀曰

而天下稱武是為下策秦始皇不忍小恥而輕民

力築長城之固延袤萬里

師古曰袤長也音茂

轉輸之行起於負

海疆境既完中國內竭以喪社稷是為無策

喪息浪翻

今天

下遭陽九之厄比年饑饉

比毗至翻

西北邊尤甚發三十萬

衆具三百日糧東援海代

師古曰援音爰引也余謂代當作岱岱山也

南取

江淮然後乃備計其道里一年尚未集合兵先至者聚

居暴露師老械弊孰不可用此一難也邊既空虛不能

奉軍糧內調郡國不相及屬此二難也

師古曰調發也音徒鈞翻屬音

之欲

計一人三百日食用糒十八斛

糒音備  
乾飯也

非牛力不

能勝

勝音升

牛又自當齋食加二十斛重矣胡地沙鹵多

乏水草以往事揆之軍出未滿百日牛必物故且盡餘

糧尚多人不能負此三難也胡地秋冬甚寒春夏甚風

多齋釜鑊薪炭重不可勝

師古曰鑊釜之大口  
者也音富勝音升

食糒飲

水以歷四時

糒音備

師有疾疫之憂是故前世伐胡不過

百日非不欲久執力不能此四難也輜重自隨則輕銳

者少不得疾行虜徐遁逃執不能及幸而逢虜又累輜

重

謂幸而逢虜得與之戰又為輜重所累也重直用翻累力瑞翻

如遇險阻銜尾相隨

師古曰銜馬銜也尾馬尾也言前後單行不得並驅

虜要遮前後危殆不測此五

難也

要讀曰邀

大用民力功不可必立臣伏憂之今既發兵

宜縱先至者令臣尤等深入霆擊且以創艾胡虜

師古曰請

率見到之兵且以擊虜艾音义

莽不聽尤言轉兵穀如故天下騷動咸

既受莽孝單于之號馳出塞歸庭具以見脅狀白單于

單于更以為於栗置支侯匈奴賤官也

漢書栗作栗

後助病

死莽以登代助為順單于吏士屯邊者所在放縱而內

郡愁於徵發民棄城郭始流亡為盜賊并州平州尤甚

并州部太原上黨上郡西河朔方五原雲中定襄鴈門等郡余按此時未有平州漢末公孫度自號平州牧魏

始分幽州置平

莽令七公六卿號皆兼稱將軍

七公四輔及三

州平字誤也

公也六卿義和作士

秩宗典樂共工子虞

遣著武將軍逮並等鎮名都中郎

將繡衣執灋各五十五人分鎮緣邊大郡督大姦猾擅

弄兵者皆乘便為姦於外撓亂州郡

師古曰撓音火高翻其字從手下同

貨賂為市侵漁百姓莽下書切責之曰自今以來敢犯

此者輒捕繫以名聞然猶放縱自若北邊自宣帝以來

數世不見烟火之警

謂匈奴款塞之後也

人民熾盛牛馬布野及

莽撓亂匈奴與之構難

難乃旦翻

邊民死亡係獲數年之間

北邊虛空野有暴骨矣

暴步卜翻

太師王舜自莽篡位後

病悸寢劇死

師古曰心動曰悸寢漸也悸音葵李翻

莽為太子置師友

各四人秩以大夫以故大司徒馬宮等為師凝傅丞阿

輔保拂是為四師

馬宮為師凝宗伯鳳為傅丞表聖為阿輔王嘉為保拂也師古曰拂讀曰

弼故尚書令唐林等為胥附莽走先後禦侮是為四友

唐林為胥附李充為莽走趙襄為先後庶丹為禦侮走讀曰奏先悲為翻後胡茂翻

又置師友侍



中諫議六經祭酒各一人凡九祭酒秩皆上卿

師友侍中諫議

三祭酒并六經六祭酒為九祭酒

遣使者奉璽書印綬安車駟馬迎龔

勝即拜為師友祭酒

師古曰就家迎之因拜官璽斯氏翻

使者與郡太守

縣長吏三老官屬行義諸生千人以上入勝里致詔

龔勝

楚人史逸其所居縣百官表縣令丞尉為長吏師古曰行義謂鄉邑有行義之人諸生學徒也行下孟翻

使

者欲令勝起迎久立門外勝稱病篤為床室中戶西南

牖下

師古曰牖窓也於戶之西室之南牖下也

東首加朝服拖紳

師古曰拖引也卧著

朝衣故云加引大帶於體也論語稱孔子疾君視之使東首加朝服拖紳故放之也首式又翻拖音吐賀翻

者付璽書奉印綬內安車駟馬進謂勝曰聖朝未嘗忘

君制作未定待君為政思聞所欲施行以安海內勝對

曰素愚加以年老被病命在朝夕隨使君上道

師古曰示若尊

敬使者故謂之使君被皮義翻

必死道路無益萬分使者要說

師古曰要音一

遙翻說音式芮翻

至以印綬就加勝身勝輒推不受

推吐雷翻

使者

上言方盛夏暑熱勝病少氣

少詩沼翻

可須秋涼乃發

師古曰須

待也有詔許之使者五日壹與太守俱問起居為勝兩子

及門人高暉等言

為手偽翻

朝廷虚心待君以茅土之封雖

疾病宜移動至傳舍

傳知  
楚翻

示有行意必為子孫遺大業

大業謂  
封邑也

暉等白使者語勝自知不見聽即謂暉等吾受

漢家厚恩無以報今年老矣旦暮入地誼豈以一身事

二姓下見故主哉勝因敕以棺斂喪事

敕誠也師古曰  
棺音工喚翻斂

音力  
瞻翻

衣周於身棺周於衣勿隨俗動吾冢種栢作祠堂

師古曰若葬多設器備則恐被掘故云動吾冢也亦不  
得種栢及作祠堂皆不隨俗貢父曰勝意謂一葬之後

更不隨俗動冢  
土種栢作祠堂

語畢遂不復開口飲食

復扶  
又翻

積十四日

死死時七十九矣是時清名之士又有琅琊紀逡齊薛

方太原郇越郇相

師古曰逡音于旬翻郇音荀又音胡頑翻今郇荀二姓並有之俱稱周武

王之  
後也

沛唐林唐尊皆以明經飭行顯名於世

師古曰飭謹也行下

孟翻紀逡兩唐皆仕莽封侯貴重歷公卿位唐林數上疏

諫正有忠直節唐尊衣敝履空

師古曰衣音於既翻著敝衣躡空履也空穿也

被虛偽名

師古曰被音皮義翻

郇相為莽太子四友病死莽太子

遣使稅以衣衾

師古曰贈喪衣服曰稅音式芮翻其字從衣

其子攀棺不聽

曰死父遺言師友之送勿有所受今於皇太子得託友

官故不受也京師稱之莽以安車迎薛方方因使者辭

謝曰堯舜在上下有巢由

巢父許由也

今明主方隆唐虞之

德小臣欲守箕山之節

張晏曰許由隱於箕山在陽城有許由祠

使者以聞

莽說其言

說讀曰悅

不彊致

彊其兩翻

初掄麋郭欽為南郡太守

師古曰掄麋扶風之縣也掄音踰

杜陵蔣詡為兗州刺史

姓譜周公之子封於蔣後

以為氏

亦以廉直為名莽居攝欽詡皆以病免官歸鄉里

卧不出戶卒於家哀平之際沛國陳咸以律令為尚書

中興之後沛方為國此由范史以後來所見書之也陳咸後漢陳寵之曾祖也

莽輔政多改漢

制咸心非之及何武鮑宣死

事見上卷平帝元始三年

咸歎曰易稱

見幾而作不俟終日

易下繫之辭也幾居布翻

吾可以逝矣即乞骸

骨去職及莽篡位召咸為掌寇大夫

掌寇大夫當屬作士

咸謝病

不肯應時三子參欽豐皆在位咸悉令解官歸鄉里閉

門不出入猶用漢家祖臘人問其故咸曰我先人豈知

王氏臘乎悉收歛其家律令書文壁藏之

按三十二卷咸帝綏和元

年陳咸以淳于長事廢歸故郡以憂死咸沛郡相人也此書沛國陳咸本之後漢書陳寵傳光武始改沛郡為

沛國二陳咸雖同居沛各是一人

又齊栗融北海禽慶蘇章

禽姓也墨子弟子有

禽滑釐又有犀首禽息

山陽曹竟皆儒生去官不仕於莽

班固贊曰春秋列國卿大夫及至漢興將相名臣耽寵

以失其世者多矣

師古曰言不能去

是故清節之士於是為貴

然大率多能自治而不能治人

治直之翻

王貢之材優於龔

鮑守死善道勝實蹈焉

師古曰論語孔子曰守死善道今龔勝不受莽官蹈斯迹也

貞而不諒薛方近之

師古曰論語孔子曰君子貞而不諒謂君子之人正其道耳言不必

信也薛方引避亂朝說引巢許為諭近此義近其新翻

郭欽蔣詡好遯不汙絕紀

唐矣

師古曰欽詡不仕於莽遯逃濁亂不汙其節殊於紀遯及兩唐好呼到翻通鑑書龔勝之死遂及一

時人士又書班固之論其為監也不亦昭乎

是歲瀕河郡蝗生 河決魏郡泛清河以東數郡先是莽

恐河決為元城冢墓害

莽曾祖賀以下冢墓在魏郡元城先悉薦翻

及決東去

元城不憂水故遂不堤塞

塞悉則翻

四年春二月赦天下 嚴難將軍陳欽震狄將軍王巡上

言捕得虜生口驗問言虜犯邊者皆孝單于咸子角所為

莽乃會諸夷斬咸子登於長安市 大司馬甄邯死

甄之翻

邯戶甘翻

莽至明堂下書以洛陽為東都常安為西都邦畿

連體各有采任

男食邑於畿內曰采女食邑於畿內曰任師古曰采采服也任男服也

州從



禹貢為九爵從周氏為五

禹貢冀兗青徐揚豫荆雍梁凡九州周爵公侯伯子男凡五等

諸侯之員千有八百

八州州二百一十國并畿內凡千七百七十三國言千八百國舉成數也

附城之數亦如之以侯有功諸公一同

地方百里曰同

有衆萬戶

其餘以是為差今已受封者公侯以下凡七百九十六人

附城千五百五十一人以圖簿未定未授國邑且令受奉

都內

奉讀曰俸都內積錢之府屬大司農

月錢數千諸侯皆困乏至有傭作

者莽性躁擾不能無為

躁則到翻

每有所興造動欲慕古不

度時宜

度徒洛翻

制度又不定吏緣為姦天下謦謦陷刑者衆

師古曰警警衆  
口愁聲音教

莽知民愁怨乃下詔諸食王田皆得賣之勿

拘以灋犯私買賣庶人者一切勿治

治直然

他政諄亂刑罰

深刻賦歛重數猶如故焉

詩蒲內翻數所角翻

初五威將帥出西南

夷改句町王為侯王邯怨怒不附

師古曰邯句町王之名也音下甘翻

莽諷牂

柯大尹周歆詐殺邯

牂柯音臧哥傳作周欽莽傳作周歆今從之

邯弟承

起兵殺歆州郡擊之不能服莽又發高句驪兵擊匈奴高

句驪不欲行郡彊迫皆亡出塞因犯灋為寇

彊其兩翻

遠西大尹

田譚追擊之為所殺州郡歸咎於高句驪侯騶嚴尤奏言

貉人犯灋不從騶起

貉與貉同莫百翻後漢書句騶一名貉耳

正有他心宜令

州郡且慰安之

師古曰假令騶有惡心亦當且慰安

今猥被以大罪

師古曰猥多也

厚也被加也音皮義翻余謂猥積也曲也

恐其遂畔夫餘之屬必有和者

和胡臥翻

匈奴未克夫餘滅貉復起此大憂也

後漢書滅與句騶同種言語法俗大抵相

類各有部界復扶又翻

莽不慰安滅貉遂反詔尤擊之尤誘高句騶

侯騶至而斬焉傳首長安

騶側尤翻

莽大說更名高句騶為下

句騶

說讀曰悅更工衡翻下同

於是貉人愈犯邊東北與西南夷皆亂

東藏貉北匈奴也

莽志方盛以為四夷不足吞滅專念稽古之事

復下書以此年二月東巡狩具禮儀調度

復扶又翻調徒弔翻

既而

以文母太后體不安且止待後

初莽為安漢公時欲諂

太皇太后以斬郅支功奏尊元帝廟為高宗

事見上卷元始四年

太

后晏駕後當以禮配食云及莽改號太后為新室文母絕

之於漢不令得體元帝墮壞孝元廟

師古曰夫婦一體也墮毀也音火規翻壞

怪音更為文母太后起廟獨置孝元廟故殿以為文母簋食

堂

置捨也留也孟康曰簋音撰晉灼曰簋具也

既成名曰長壽宮以太后在

故未謂之廟莽置酒長壽宮請太后既至見孝元廟廢

徹塗地太后驚泣曰此漢家宗廟皆有神靈與何治而

壞之

師古曰與讀曰預言此何罪於汝無所干預何為毀壞之壞音怪

且使鬼神無知

又何用廟為如令有知我乃人之妃妾豈宜辱帝之堂

以陳饋食哉

釋名吳人謂祭為饋

私謂左右曰此人慢神多矣能

久得祐乎

祐福也神助也

飲酒不樂而罷

樂音洛

自莽篡位後知

太后怨恨求所以媚太后者無不為然愈不說

說讀曰悅

莽

更漢家黑貂著黃貂

孟康曰侍中所著貂也莽改漢制服黃更音工衡翻著音陟畧翻

又改漢正朔伏臘日太后令其官屬黑貂至漢家正臘

日獨與其左右相對飲食

五年春二月文母皇太后崩年八十四葬渭陵與元帝

合而溝絕之

如淳曰葬於司馬門內作溝絕之

新室世世獻祭其廟元

帝配食坐於牀下莽為太后服喪三年

為于偽翻

烏孫大

小昆彌遣使貢獻莽以烏孫國人多親附小昆彌見匈

奴諸邊並侵意欲得烏孫心乃遣使者引小昆彌使坐

大昆彌使上

使疏吏翻下同

師友祭酒滿昌劾奏使者曰夷狄

以中國有禮誼故詘而服從

劾戶縣翻詘與屈同

大昆彌君也今

序臣使於君使之上非所以有夷狄也奉使大不敬莽

怒免昌官

師友祭酒龔勝不肯就而滿昌為之鳳皇翔于千仞鳥為彈射不去非虛言也

西

域諸國以莽積失恩信焉者先叛

焉者國治員渠城去長安七千三百里

殺都護但欽西域遂瓦解十一月彗星出二十餘日

不見

彗祥歲翻旋為翻又徐醉翻見賢遍翻

是歲以挾銅炭者多除其

灋匈奴烏珠留單于死用事大臣右骨都侯須卜當

史記正義匈奴須卜氏掌獄訟

即王昭君女伊墨居次云之壻也云常

欲與中國和親又素與伊栗置支侯咸厚善

云於咸為季父也

見咸前後為莽所拜故遂立咸為烏累若鞮單于

師古曰累

音力

烏累單于咸立以弟興為右谷蠡王

谷音鹿蠡鹿奚翻

烏

珠留單于子蘇屠胡本為左賢王後更謂之護于

烏珠留單

于以左賢王數死不祥更易命左賢王為護于

欲傳以國咸怨烏珠留單于貶

已號乃貶護于為左屠耆王

天鳳元年春正月赦天下

莽下詔將以是歲四仲月

徧行巡狩之禮太官齋糒乾肉內者行張坐卧

乾音千內者令

時屬共工續漢志內者令掌布張諸衣物師古曰張坐卧者謂帷帳茵席也

所過毋得有所



給師古曰言自齋食及帷帳以行在路所經過不須供費也俟畢北巡狩之禮即于

土中居洛陽之都羣公奏言皇帝至孝新遭文母之喪

顏色未復飲食損少令一歲四巡道路萬里春秋尊非

猶乾肉之所能堪犒音備乾音干且無巡狩須闋大服以安聖

體師古曰闋盡也音口決翻莽從之要期以天鳳七年巡狩厥明年

即土之中遣太傅平晏大司空王邑之洛陽營相宅兆

相息亮翻宅居也壇域塋界皆曰兆圖起宗廟社稷郊兆云三月壬申

晦日有食之大赦天下以災異策大司馬遂並就侯氏

朝位

免官以侯爵就朝位朝直遙翻

太傅平晏勿領尚書事以利苗男

訢為大司馬

如淳曰利苗邑名訢音欣

莽即真尤備大臣抑奪下權

朝臣有言其過失者輒拔擢孔仁趙博費興等以敢擊

大臣故見信任

洪氏隸釋曰余家所收姓氏文字粗備以諸書參攷頗多抵牾不合姓苑云費

氏禹後音父位翻李利涉編古命氏云費氏出自魯桓

公少子季友受邑於費元和姓纂費氏亦音秘姓林云

費氏音蜚夏禹之後余嘗攷之此字有兩姓音讀不同源流亦異其一音蜚羸姓出於伯益之後史記所載費

昌費中楚費無極漢費將軍費直費長房費禕之徒是其後也其一音秘姬姓出於魯季友姓苑所載琅邪費

氏是其後也然則姓苑姓林姓纂皆云夏禹之後姓纂又云亦音秘及謂琅邪費氏為直之後皆其差誤而編

古命氏以費將軍費禕之徒出於魯季友亦非也師古曰費音扶味翻擇名官而居之國

將哀章頗不清莽為選置和叔

師古曰特為置此官余謂莽以國將主冬故置

和叔之官將即亮翻下同敕曰非但保國將閨門當保親屬在西州

者章梓潼人其親屬在西州諸公皆輕賤而章尤甚

言十一公皆為莽所輕賤而章

尤甚也

夏四月隕霜殺草木海瀕尤甚

師古曰邊海之地也

六月

黃霧四塞

塞悉則翻

秋七月大風拔樹飛北闕直城門屋瓦

直城門長安城西出南頭第二門

雨雹殺牛羊

雨千具翻

莽以周官王制

之文置卒正連率大尹職如太守

王制三十國為卒卒有正十國為連連有

率率所類翻  
守式又翻

又置州牧部監二十五人分長安城旁六

鄉置帥各一人分三輔為六尉郡

師古曰三輔黃圖云渭城安陵以西北至

狗邑義渠十縣屬京尉大夫府居故廷尉府新豐以東至湖十縣  
十縣屬師尉大夫府居故廷尉府新豐以東至湖十縣  
屬翊尉大夫府居城東霸陵杜陵東至藍田西至武功  
都夷十縣屬光尉大夫府居城南茂陵槐里至汧十縣  
屬扶尉大夫府居城西長陵池陽以北至雲陽  
祿相十縣屬列尉大夫府居城北帥所類翻

河內河

東弘農河南潁川南陽為六隊郡

師古曰隊音遂仲馮曰河南當為滎陽莽

所分為六遂之一也下文自有河南大尹更為保忠信  
卿河東兆隊河內後隊弘農右隊滎陽祈隊潁川左隊

前隊更名河南大尹曰保忠信卿

更工衛  
翻下同

益河南屬縣

滿三十置六郊州長各一人人主五縣及他官名悉改  
大郡至分為五合百二十有五郡九州之內縣二千二  
百有三又倣古六服為惟城惟寧惟翰惟屏惟垣惟藩  
各以其方為稱

公作甸服是為惟城諸在侯服是為惟  
寧在采任諸侯是為惟翰在賓服是為

惟屏在揆文教奮武衛是為惟垣在九  
州之外是為惟藩屏必郅翻稱尺證翻

總為萬國焉其

後歲復變更一郡至五易名而還復其故吏民不能紀

每下詔書輒繫其故名云

按莽傳詔曰祈  
隊故榮陽是也

匈奴右骨

都侯須卜當伊墨居次云勸單于和親遣人之西虎猛

制虜塞下

漢書作西河虎猛制虜塞下師古曰虎猛縣名制虜塞在其界北逸河字之佳也

告

塞吏云欲見和親侯和親侯者王昭君兄子歆也

師古曰歆

音翁中部都尉以聞

漢邊郡置五部都尉分治屬縣

莽遣歆歆弟騎都尉

展德侯颯使匈奴

師古曰颯音立

賀單于初立賜黃金衣被繒

帛給言侍子登在因購求陳良終帶等單于盡收陳良

等二十七人皆械檻付使者遣尉唯姑夕王富等四十

人送歆颯莽作焚如之刑燒殺陳良等

應劭曰易有焚如死如棄如之

言莽依此作刑名也如淳曰焚如死如棄如者謂不孝子也不畜於父母不容於朋友故燒殺棄之莽依此作

刑名也

緣邊大饑人相食諫大夫如普行邊兵還言軍

士久屯寒苦邊郡無以相贍今單于新和宜因是罷兵

校尉韓威進曰以新室之威而吞胡虜無異口中蚤蝨

臣願得勇敢之士五千人不齎斗糧飢食虜肉渴飲其

血可以橫行莽壯其言以威為將軍然采普言徵還諸

將在邊者免陳欽等十八人又罷四關鎮都尉諸屯兵

莽置四關各有鎮都尉領屯兵

單于貪莽賂遺

遺于季翻

故外不失漢故事

然內利寇掠又使還知子登前死怨恨

使疏吏翻還從宣翻又如字

寇虜從左地入不絕

師古曰入為寇而虜掠

使者問單于輒曰烏

桓與匈奴無狀黠民共為寇入塞譬如中國有盜賊耳

點下八翻

咸初立持國威信尚淺盡力禁止不敢有二心莽

復發軍屯

復扶又翻下同

益州蠻夷愁擾盡反復殺益州大

尹程隆

武帝開滇國為益州郡屬益州莽屬梁州

莽遣平蠻將軍馮茂發巴

蜀捷為吏士賦斂取足於民以擊之

捷居言翻斂力贍翻

莽復

申下金銀龜貝之貨頗增減其賈直

賈讀曰價

而罷大小錢

改作貨布貨泉二品並行


貨布長二寸五分廣一寸首長八分有奇廣八分其圜好



徑二分半足枚長八分間廣二分其文右曰貨左曰布  
重二十五銖直貨泉二十五貨泉徑一寸重五銖文右  
曰貨左曰泉文直一孔穎達曰案食貨志今世謂之平  
錢是也邇猶為貨泉之字大泉即今四文錢也四邊並  
有文也貨布之形今世難識世人耕地猶有得者古時  
一箇準二十五錢也余按古所謂泉布者其藏曰泉其  
行曰布取名於水泉其流行無不徧無不徧則布之義  
也王莽以為貨二品非古義考與曰食貨志改作貨  
布在天鳳元年莽傳在地皇元年蓋以大錢盡之又  
年至地皇元年乃絕不行耳非其年始作貨布也又以  
大錢行久罷之恐民挾不止乃令民且獨行大錢盡六  
年毋得復挾大錢矣每一易錢民用破業而大陷刑



資治通鑑卷三十七



總校官庶吉士臣侍朝

校對官修撰臣張書勲

膳錄監生臣彭希純

欽定四庫全書薈要

史部

資治通鑑卷三十八

九

詳校官編修臣汪鏞



欽定四庫全書薈要卷七千二十四

史部

資治通鑑卷三十八

宋 司馬光 撰

胡三省 音註

漢紀三十

起旃蒙大淵獻盡  
玄默敦牂凡八年

王莽下

天鳳三年春二月大赦天下

民訛言黃龍墮死黃山

宮中

晉灼曰黃山宮在槐里黃圖  
黃山宮在興平縣西三十里

百姓莽走往觀者有

萬數莽惡之

師古曰莽自謂黃德  
故有此妖惡烏路翻

捕繫問所從起不能

得單于咸既和親求其子登屍莽欲遣使送致恐咸

怨恨害使者乃收前言當誅侍子者故將軍陳欽以他

臯殺之

誅侍子事見上卷始建國三年使疏吏翻

莽選辯士濟南王咸為大

使夏五月莽復遣和親侯欽與咸等送右厨唯姑夕王

因奉歸前所斬侍子登及諸貴人從者喪

濟子禮翻欽許及翻復扶

又翻從才用翻喪息琅翻

單于遣云當子男大且渠奢等至塞迎之

且子余翻

咸到單于庭陳莽威德莽亦多遺單于金珍因諭

說改其號

遺于季翻說輸芮翻

號匈奴曰恭奴單于曰善于賜印

綬封骨都侯當為後安公當子男奢為後安侯單于貪  
莽金幣故曲聽之然寇盜如故 莽意以為制定則天

下自平故銳思於地理制禮作樂講合六經之說

思相吏翻

公卿旦入暮出論議連年不決不暇省獄訟寃結

省悉井翻

民之急務縣宰缺者數年守蕪

師古曰不拜正官權令人守蕪

一切貪

殘日甚中郎將繡衣執灋在郡國者並秉權勢傳相舉

奏

傳知總翻

又十一公士分布勸農桑班時令按諸章

應劭曰士

掾也余按漢公府各有掾屬莽置十一公改掾曰士

冠蓋相望交錯道路召會吏

民逮捕證左

佐音

郡縣賦歛

歛力

逋相賕賂白黑紛然

師古曰白黑謂清濁也紛然亂之意言清濁不分也余謂白黑色之易別者且紛然不能分可謂繆亂之甚

守關告訴者多莽自見前顯權以得漢政故務自攬衆

事有司受成苟免

師古曰莽事事自決成就乃以付吏吏苟免罪責而已

諸寶物

名帑藏錢穀官皆宦者領之

帑他朗翻藏徂浪翻

吏民上封事宦

官左右開發尚書不得知

舊上封事者先由尚書乃奏御莽恐尚書壅蔽令宦官左

右發其封自省之上時掌翻

其畏備臣下如此又好變改制度

好呼到翻

政令煩多當奉行者輒質問乃以從事前後相乘憤眊



不漂

師古曰乘積也登也憤眊不明也漂散也徹也憤音工內翻眊音莫報翻余謂前者省決未了而後

者復來謂之相乘漂音泄清也

莽常御燈火至明猶不能勝

勝音升

尚書

因是為姦寢事

上書者尚書不以聞而竊寢其事

上書待報者連年不

得去拘繫郡縣者逢赦而後出衛卒不交代者至三歲

穀糴常貴邊兵二十餘萬人仰衣食縣官

師古曰仰音牛向翻

五

原代郡尤被其毒

被皮義翻

起為盜賊數千人為輩轉入旁

郡莽遣捕盜將軍孔仁將兵與郡縣合擊歲餘乃定

邯鄲以北大雨水出深者數丈流殺數千人

邯鄲音寒丹

三年春二月乙酉地震大雨雪

雨于其翻

關東尤其深者一

丈竹柏或枯

竹栢冬青或至於枯言常寒之咎

大司空王邑上書以地

震乞骸骨莽不許曰夫地有動有震震者有害動者不

害春秋記地震易繫坤動動靜辟翕萬物生焉

師古曰辟音闢

闢開也易上繫之辭曰夫坤其動也闢其靜也翕是以廣生焉故莽引之也

其好自誣飾

好呼

到翻皆此類也

先是莽以制作未定

先悉薦翻

上自公侯下

至小吏皆不得俸祿

俸扶用翻

夏五月莽下書曰予遭陽九

之阨

傳曰三統之元有陰陽之九焉天地之常數也

百六之會國用不足民人

騷動自公卿以下一月之祿十縵布二匹

孟康曰縵八  
十縵也師古

曰縵音  
子公翻

或帛一匹

帛縵也

予每念之未嘗不戚焉今阮會

已度府帑雖未能充

帑他朗翻

略頗稍給其以六月朔庚寅

始賦吏祿皆如制度

賦布也與也

四輔公卿大夫士下至與

僚凡十五等

左傳曰人有十等王臣公臣大夫大夫臣士士臣皐皐臣興興臣隸隸臣僚僚臣

僕僕臣臺今莽自四  
輔以下分為十五等

僚祿一歲六十六斛稍以差稱

尺稱

證翻

上至四輔而為萬斛云莽又曰古者歲豐穰則充其

禮

師古曰穰音人掌  
翻又音如羊翻

有災害則有所損與百姓同憂喜

也其用上計時通計

上時掌翻

天下幸無災患者太官膳羞

備其品矣即有災害以什率多少而損膳焉

以十為率視災害所

減多少而制分數

自十一公六司六卿以下

六司即前所置六監也

各分

州郡國邑保其災害

東嶽太師立國將軍保東方三州一部二十五郡南嶽太傅前將軍

保南方二州一部二十五郡西嶽國師寧始將軍保西方一州二部三十五郡北嶽國將軍保北方二州

一部二十五郡大司馬保納卿言卿仕卿作卿京尉扶尉兆隊右隊中部左洎前七部大司徒保樂卿典卿宗

卿秩卿翼尉光尉左隊前隊中部右部有五郡大司空保予卿虞卿共卿工卿師尉烈尉祈隊後遂中部洎後

十郡及六司六卿皆隨所屬之公保其災害

亦以十率多少而損其祿郎從

官中都官吏食祿都內之委者

從才用翻委於偽翻委積也

以太官

膳羞備損而為節冀上下同心勸進農業安元元焉莽

之制度煩碎如此課計不可理吏終不得祿各因官職

為姦受取賕賂以自共給焉

師古曰共讀曰供

戊辰長平館

西岸崩壅涇水不流毀而北行

長平館即長平觀在涇水之南原涇水東南流

入渭為岸所壅故毀而北行

羣臣上壽以為河圖所謂以土填水

師古

曰填讀與鎮同

匈奴滅亡之祥也莽乃遣并州牧宋弘游擊都

尉任萌等將兵擊匈奴

任音壬將即亮翻

至邊止屯

秋七月

辛酉霸城門災

黃圖霸城門長安城東出南頭第一門亦曰青門

戊子晦日

有食之大赦天下

平蠻將軍馮茂擊句町

句町音勅挺

士

卒疾疫死者什六七賦歛民財什取五

歛力臆翻下同

益州虛

耗而不克徵還下獄死

下遐稼翻

冬更遣寧始將軍廉丹與

庸部牧史熊

孟康曰莽改益州為庸部余按莽置州牧部監州自是州部自是部今史熊為庸部

牧則又若州部牧為一

大發天水隴西騎士廣漢巴蜀犍為吏民

十萬人

犍居言翻

轉輸者合二十萬人擊之始至頗斬首數

千其後軍糧前後不相及士卒飢疫莽徵丹熊丹熊願

益調度必克乃還復大賦歛

調徒弔翻復扶又翻下同歛力贍翻

就都大

尹馮英不肯給

莽於蜀郡廣都縣置就都大尹

上言自西南夷反叛以

來積且十年郡縣距擊不已

上時掌翻

續用馮茂苟施一切

之政熒道以南

地理志熒道縣屬捷為郡熒音蒲北翻

山險高深茂多毆

衆遠居

毆與驅同

費以億計吏士罹毒氣死者什七今丹熊

懼於自詭期會調發諸郡兵穀復訾民取其什四

師古曰發

人訾財十取其四也訾與貲同

空破梁州功終不遂

莽改益州曰梁州師古曰遂成也爾

雅註梁州以西方金氣剛強強梁也

宜罷兵屯田明設購賞莽怒免英官

後頗覺悟曰英亦未可厚非復以英為長沙連率

率所類翻

粵舊蠻夷任貴亦殺太守枚根

師古曰枚根者太守之姓名舊音髓任音壬

翟義黨王孫慶捕得莽使太醫尚方與巧屠共剝剝

之

師古曰剝剝也音口胡翻

量度五藏

五臟心肝脾腎也周禮有九藏註曰正藏五又有胃旁

肱大腸小腸者此乃六府中取此四者以益五藏為九藏也六府胃小腸大腸旁肱膽三焦以其受盛故謂之為府亦有藏稱故入九藏之數然六府取此四者案黃帝八十一難經說胃為水穀之府小腸為受盛之府大腸為行道之府旁肱為精液之府氣之所生下氣象天故放寫而不實實不滿若然則正府也故入九藏其餘膽者清淨之府三焦為孤府非正府故不入九藏師古曰



度音大各翻  
藏讀曰臟

以竹筴導其脉知所終始云可以治病師古

曰筴竹挺也音庭按醫書脉有三部六經心部在左手寸口屬手少陰經與小腸手太陽經合肝部在左手關

上屬足厥陰經與膽足少陽經合腎部在左手尺中屬足少陰經與膀胱足太陽經合肺部在右手寸口屬手

太陰經與大腸手陽明經合脾部在右手關上屬足太陰經與胃足陽明經合右腎在右手尺中屬手厥陰心

包絡與三焦手少陽經合手少陰之脉起於心中出屬心系下膈絡小腸其支者從心系上俠咽系目其直者

復從心系却上肺出腋下循臑內後廉行太陰心主之後下肘內廉循臂內後廉抵掌後兌骨之端入掌內

廉循小指之內出其端手太陽之脉起於小指之端循手外側上腕出踝中直上循臂骨下廉出肩解繞肩脾

交肩上入缺盆絡心循咽下膈抵胃屬小腸其支別者從缺盆循頸上頰至目兌皆却入耳中其支者別頰上

頤抵鼻至目內眦足厥陰之脉起於大指聚毛之際上  
 循足跗上廉去內踝一寸上踝八寸交出太陰之後上  
 臑內廉循股入陰毛中環陰器抵小腹俠胃屬肝絡膽  
 上貫膈布脇肋循喉龍之後上入頤頤連目系上出額  
 與督脉會於巔其支從目系下頰裏環唇內其支復從  
 肝貫膈上注肺足少陽之脉起於目眦眦上抵頭角下  
 耳後循頸行手少陽之脉前至肩 upper 却交出少陽之後  
 入缺盆其支別者從耳中出走耳前至目眦眦後其支  
 別者自眦眦下大迎合手少陽於頤下交頰車下頸合  
 缺盆下胃中貫膈絡肝屬膽循脇裏出氣街繞髮際橫  
 入髀厭中直者從缺盆下腋循胃過季脇下合髀厭中  
 以下循髀太陽出膝外廉下外輔骨之前直下抵絕骨  
 之端下出外踝之前循足跗上入小指次指之間其支  
 者從跗上入大指循岐骨出其端還貫入爪甲出三毛  
 足少陰之脉起於小指之下斜趣足心出然谷之下循  
 內踝之後別入跟中上腠內出臑內廉上股內後廉貫

脊屬腎絡膀胱其直者從腎上貫肝膈入肺中循喉嚨  
俠舌本其支從肺出絡心注胃中足太陽之脉起於目  
內眥上額交巔上其支別者從巔至耳上角其直行者  
從巔入絡腦還出別下項循肩膊內俠脊抵腰中入循  
脊絡腎屬膀胱其支別者從腰中下貫臀入膕中其支  
別者從膊內左右別下貫脾俠脊內過髀樞循髀外後  
廉下合膕中下貫膈內出外踝之後循京骨至小指外  
端手太陰之脉起於中焦下絡大腸還循胃口上膈屬  
肺從肺系橫出腋腋下循臑肉行少陰心主之前下肘  
中循臂內上骨下廉入寸口上魚循魚際出大指之端  
其支者從腕後直出次指內廉出其端手陽明之脉起  
於大指次指之端循指上廉出合谷兩肩之間上入兩  
筋之中循臂上廉入肘外廉循臑內前廉上肩出髃肩  
之前廉上出柱骨之會上下入缺盆絡肺下膈屬大腸  
其支者從缺盆上頸貫頰下入齒縫中還出俠口交人  
中左之右右之左上俠鼻孔足太陰之脉起於大指之

端循指內側白肉際過竅骨後上內踝前廉上膈肉循  
肱骨後交出厥陰之前上循膝股內前廉入腹屬脾絡  
腎上膈俠咽連舌本散舌下其支復從胃別上膈注心  
中足陽明之脉起於鼻交頰中下循鼻外入上齒中還  
出俠口環唇下交承漿却循頤後下廉出大迎承頰車  
上耳前過客主人循髮際至額顙其支者從人迎前下  
人迎循喉嚨入缺盆下膈屬胃絡脾其直行者從缺盆  
下乳內廉下俠臍入氣充中其支者起胃下口循腹裏  
下至氣充而合以下脾關抵伏兔下入膝膕中下循鼈  
外廉下足跗入中指內間其支者下膝三寸而別以下  
入大指間出其端手厥陰之脉起於胃中出屬心包下  
膈歷絡三焦其支者循胃出脇下腋三寸上抵腋腋下  
循膈內行太陰少陰之間入肘內行兩筋之間入掌中  
循中指出其端手少陰之脉起於小指次指之端上出  
次指之間循出表腕出臂外兩骨之間上貫肘循膈內  
上肩交出足少陽之後入缺盆交臑中散絡心包下膈

徧屬三焦其支者從臆中上出缺盆上項俠耳後直出  
上耳上角以屈下頰至頰其支者從耳後入耳中却出  
至目眇眇師古曰云可以治病者  
以知血脉之原則盡攻療之道也

是歲遣大使五威

將王駿西域都護李崇茂已校尉郭欽出西域諸國皆

郊迎送兵穀駿欲襲擊之焉耆詐降而聚兵自備

降戶江翻

駿等將莎車龜茲兵七千餘人分為數部

將即亮翻下同莎素何翻

龜茲音丘慈

命郭欽及佐帥何封別將居後

帥所類翻

駿等入焉

耆焉耆伏兵要遮駿及姑墨封犂危須國兵為反間

姑墨

國王治南城去長安八千一百五十里封犂漢書作尉犂要一遙翻問古覓翻

還共襲駿皆殺

之欽後至焉耆焉耆兵未還欽襲擊殺其老弱從車師

還入塞莽拜欽為填外將軍

師古曰填音竹刃翻

封剽胡子

師古曰剽

絕也音子小翻

何封為集胡男李崇收餘士還保龜茲

龜茲音丘慈

及莽敗崇沒西域遂絕

四年夏六月莽更授諸侯王茅土於明堂親設文石之

平陳菁茅四色之土

師古曰尚書禹貢包匭菁茅儒者以為菁菜名也茅三脊茅也而莽

此言以菁茅為一物則是謂菁茅為菁茅也土有五色而此云四者中央之土不以封也春秋大傳曰天子之國有泰社東方青南方赤西方白北方黑上方黃故將封於東方者取青土封於南者取赤土封於西者取白

土封於北者取黑土各取其方土裹以白茅封以為社此始受封於天子者也此之謂主土主土者立社以奉之也音精

告於岱宗泰社后土先祖先妣以班授之莽好

空言

好呼到翻

慕古灋多封爵人性實吝嗇託以地理未定

故且先賦茅土用慰喜封者 秋八月莽親之南郊鑄

作威斗以五石銅為之

李奇曰以五色藥石及銅為之蘇林曰以五色銅鑄治之師古

曰李說是也若今作鑄石之為

若北斗長二尺五寸

長直亮翻

欲以厭勝眾

兵師古曰厭音一葉翻既成令司命負之莽出在前入在御傍

莽置羲和命士以督五均六筦

鹽一也酒二也鐵三也名山大澤四也五均賒

貸五也鐵布  
銅治六也

郡有數人皆用富賈為之

賈音古

乘傳求利

傳知  
應翻

交錯天下因與郡縣通姦多張空簿

師古曰簿計簿也音步戶

翻

府藏不實

藏祖浪翻

百姓愈病是歲莽復下詔申明六筭

下遐  
稼翻

每一筭為設科條防禁

為于偽翻

犯者罪至死姦民猾

吏並侵衆庶各不安生又一切調上公以下諸有奴婢

者

調復鈞翻

率一口出三千六百天下愈愁納言馮常以六

筭諫莽大怒免常官灋令煩苛民搖手觸禁不得耕桑

絲役煩劇

師古曰絲讀曰搖

而枯旱蝗蟲相因獄訟不決吏用



苛暴立威旁緣莽禁

師古曰旁依也音步浪翻

侵刻小民富者不能自

別

列彼翻

貧者無以自存於是並起為盜賊依阻山澤吏不

能禽而覆蔽之浸淫日廣

覆敷救翻師古曰浸淫猶漸染也余謂此以水為諭漸浸而至

於淫溢也

臨淮瓜田儀依阻會稽長州

服虔曰姓瓜田名儀師古曰長州即枚乘所云

長州之苑余謂今蘇州長洲縣即其地會工外翻

琅邪呂母聚黨數千人殺海曲

宰入海中為盜

莽改縣令長曰宰初呂母子為縣吏為宰所冤殺母散家財以酤酒買弓弩陰厚貧

窮少年得百餘人遂攻海曲縣殺其宰以祭于墓地

其衆

浸多至萬數荊州饑饉民衆入野澤掘鳧茈而食之

荊州部南

陽南郡桂陽武陵零陵江夏等郡爾雅曰芎蒘此郭璞曰生下田中苗似龍鬚而細根如指根黑色可食此音才支翻芎

音胡了翻

更相侵奪

衡工翻

新市人王匡王鳳為平理諍訟

地理志新

市縣屬江夏郡為于偽翻諍與爭同晉王沈釋時論闢茸勇敢於饗諍叶韻平聲古字多假借用也

遂推為

渠帥衆數百人

孔安國曰渠大也帥所類翻

於是諸亡命者南陽馬武

潁川王常成丹等皆往從之共攻離鄉聚臧於綠林山中

賢曰離鄉聚謂諸鄉聚離散去城郭遠者大曰鄉小曰聚前書曰收合離鄉置大城中即其義也綠林山在今荊州當陽縣東北余按郡國志新市侯國有離鄉聚綠林山則以離鄉為聚名聚才喻翻臧古藏字數月間至七八

千人又有南郡張霸江夏羊牧等與王匡俱起衆皆萬人

莽遣使者即赦盜賊

即就也就其相聚為盜處而赦之也

還言盜賊解輒復合

復扶又翻

問其故皆曰愁灋禁煩苛不得舉手力作所得不足以

給貢稅閉門自守又坐鄰伍鑄錢挾銅姦吏因以愁民民窮

悉起為盜賊莽大怒免之其或順指言民驕黠當誅

黠下八翻

及言時運適然且減不久莽說輒遷官

說讀曰悅

五年春正月朔北軍南門災

北軍壘門之南出者也

以大司馬

司允費興為荊州牧見問到部方畧

引見而問其方畧也見賢遍翻

興

對曰荆揚之民率依阻山澤以漁采為業

師古曰漁謂捕魚也米謂

采取蔬菓之屬

間者國張六筦稅山澤妨奪民之利連年久旱

百姓饑窮故為盜賊興到部欲令明曉告盜賊歸田里

假貸犂牛種食

種章勇翻

濶其租賦

師古曰濶寬也

冀可以解釋安

集莽怒免興官

天下吏以不得俸祿

俸扶用翻

並為姦利

郡尹縣宰家累千金莽乃考始建國二年胡虜猾夏以

來諸軍吏及緣邊吏大夫以上為姦利增產致富者収

其家所有財產五分之四以助邊急

助邊費之急也

公府士馳

傳天下

傳知戀翻

考覆貪饕

師古曰饕音士高翻

開吏告其將

將即亮翻

奴

婢告其主冀以禁姦而姦愈甚 莽孫功崇公宗坐自

畫容貌被服天子衣冠刻三印發覺自殺

莽傳功崇公國於穀城郡

三印一曰維祉冠存己夏處南山臧薄水二曰肅聖寶繼三曰德封昌圖畫古畫通被皮義翻

宗姊妨

為衛將軍王興夫人坐祝詛姑

祝職救詛莊祖翻

殺婢以絕口

與興皆自殺

是歲揚雄卒初成帝之世雄為郎給事

黃門與莽及劉秀並列哀帝之初又與董賢同官莽賢

為三公權傾人主所薦莫不拔擢而雄三世不徙官及

莽篡位雄以耆老久次轉為大夫恬於勢利

師古曰好恬安也

古樂道

好呼到翻  
樂音洛

欲以文章成名於後世乃作太玄以

綜天地人之道

桓譚曰揚雄作玄書以為玄者天也道也言聖賢制法作事皆引天道以為本

統而因附屬萬類王政人事法度故伏羲氏謂之易老子謂之道孔子謂之元揚雄謂之玄玄經三篇以紀天地人之道立三體有上中下如禹貢之陳三品三三而九因以九九八十一故為八十一卦以四為數數從一至四重累變易竟八十一而徧不可增損以至四重累變易竟八十一而徧不可增損以又見諸子三十五著撰之玄經五千餘言而傳十二篇

各以其智舛馳

師古曰舛音背

大抵詆訾聖人即為怪迂析辯

詭辭以撓世事

師古曰大抵大歸也詭異也言諸子之書大歸皆非析分也

毀周孔之教為巧辯異辭以撓亂時政也訾音紫迂音于撓音大高翻

雖小辯終破大道

而惑衆使溺於所聞而不自知其非也故人時有問雄

者常用法應之號曰法言用心於內不求於外於時人

皆忽之

師古曰忽謂輕也

唯劉秀及范逡敬焉而桓譚以為絕

倫

師古曰無比類

鉅鹿侯芭師事焉

服虔曰芭音葩

大司空王邑納言

嚴尤聞雄死謂桓譚曰子常稱揚雄書豈能傳於後世

乎譚曰必傳顧君與譚不及見也凡人賤近而貴遠親

見揚子雲祿位容貌不能動人

揚雄字子雲

故輕其書昔老

聃著虛無之言兩篇

師古曰謂道德經也

薄仁義非禮樂然後好

之者尚以為過於五經

好呼到翻

自漢文景之君及司馬遷

皆有是言今揚子之書文義至深而論不詭於聖人

古師

曰詭違也聖人謂周公孔子

則必度越諸子矣

琅邪樊崇起兵於

莒

莒縣班志屬城陽國續漢志屬琅邪國邪音耶

衆百餘人轉入太山羣盜以

崇勇猛皆附之一歲間至萬餘人崇同郡人逢安

賢曰逢音

龐

東海人徐宣謝祿楊音各起兵合數萬人復引從崇

復扶又翻

共還攻莒不能下轉掠青徐間又有東海刁子都

刁一作力姓譜力黃帝佐力牧之後漢有力子都

亦起兵鈔擊徐兗

鈔楚交翻

莽遣



使者發郡國兵擊之不能克 烏累單于死

累力追翻

弟左

賢王輿立為呼都而尸道臯若鞮單于

鞮丁奚翻

輿既立貪

利賞賜遣大且渠奢與伊墨居次云女弟之子醯犢王

且子余翻師古曰犢音讀

俱奉獻至長安莽遣和親侯歙與奢等俱

至制虜塞下與云及須卜當會因以兵迫脅云當將至

長安云當小男從塞下得脫歸匈奴當至長安莽拜為

須卜單于欲出大兵以輔立之兵調度亦不合

調徒弔翻

而

匈奴愈怒並入北邊為寇六年春莽見盜賊多乃令太

史推三萬六千歲歷紀六歲一改元布天下下書自言已

當如黃帝僊升天欲以誑耀百姓銷解盜賊衆皆笑之

初獻新樂於明堂太廟

新樂莽所作也

更始將軍廉丹擊益

州不能克

丹蓋自寧始將軍遷更始將軍更工衡翻

益州夷棟蠡若豆等起

兵殺郡守越雋夷人大牟亦叛殺略吏人

按後漢書棟蠡若豆益州

夷兩種也大牟越雋姑復縣夷人雋音髓

莽召丹還更遣大司馬護軍郭興

庸部牧李臯擊蠻夷若豆等

更工衡翻

太傅義叔士孫喜清

潔江湖之盜賊

莽以太傅主夏故置義叔官士孫複姓姓譜漢平陵士孫張為傅士明梁丘易

而匈奴寇邊甚莽乃大募天下丁男及死罪囚吏民奴

名曰豬突豨勇以為銳卒

服虔曰豬性觸突人故以為  
諭師古曰東方人名豕曰豨

或曰豨豕走也音許豈翻

一切稅天下吏民訾三十取一

訾與  
貨同 黹帛

皆輸長安令公卿以下至郡縣黃綬皆保養軍馬

續漢志四

百石三百石二百石黃綬  
師古曰保者不許其死傷

多少各以秩為差吏盡復以

與民

師古曰轉令  
百姓養之

又博募有奇技術可以攻匈奴者

技渠

翻綺

將待以不次之位言便宜者以萬數或言能度水不

用舟楫

師古曰楫所  
以刺舟也

連馬接騎濟百萬師或言不持斗

糧服食藥物三軍不饑或言能飛一日千里可窺匈奴

莽輒試之取大鳥翮為兩翼

師古曰翮本音胡隔翮

頭與身皆

著毛

著側略翮

通引環紐

紐女九翮

飛數百步墮莽知其不可用

苟欲獲其名皆拜為理軍賜以車馬待發初莽之欲誘

迎須卜當也大司馬嚴尤諫曰當在匈奴右部兵不侵

邊單于動靜輒語中國

語牛倨翮

此方面之大助也于今迎

當置長安橐街一胡人耳不如在匈奴有益莽不聽既

得當欲遣尤與庶丹擊匈奴皆賜姓徵氏號二徵將軍

令誅單于輿而立當代之出車城西橫廐未發尤素有

智略非莽攻伐四夷數諫不從

數所角翻

及當出廷議尤固

言匈奴可且以為後先憂山東盜賊莽大怒策免尤

大司空議曹史代郡范升

漢公府諸曹有掾有史有屬皆公自辟置

奏記王

邑曰升聞子以人不問於其父母為孝

問古覓翻

臣以下不

非其君上為忠

賢曰論語孔子曰孝哉閔子騫人不問於其父母之言問非也言子騫之孝化

其父母言人無非之者忠臣事君有過即諫在下無有非其君者是忠臣也

今衆人咸稱朝

聖朝直遙翻下同皆曰公明益明者無不見聖者無不聞今天

下之事昭昭於日月震震於雷霆而朝云不見公云不

聞則元元焉所呼天

元元民也良善之民師古曰元元善意也焉於虔翻

公以為

是而不言則過小矣知而從令則過大矣二者於公無

可以免宜乎天下歸怨於公矣朝以遠者不服為至念

升以近者不悅為重憂

遠者不服謂四夷也近者不悅謂人心不便於莽之法令也

今動與時戾事與道反馳騖覆車之轍踵循敗事之後

後出益可怪晚發愈可懼耳方春歲首而動發遠役藜

藿不充田荒不耕穀價騰躍斛至數千吏民陷於湯火

之中非國家之民也如此則胡貊守闕青徐之寇在於

帷帳矣

謂京輔之民亦將為變也

升有一言可以解天下倒縣

縣讀曰懸

免元元之急不可書傳願蒙引見極陳所懷邑不聽

翼平連率田況奏郡縣訾民不實

地理志北海壽光縣莽曰翼平師古曰言

舉百姓訾財不以實數率所類翻訾與貲同

莽復三十取一以況忠言憂國

進爵為伯賜錢二百萬衆庶皆詈之青徐民多棄鄉里

流亡老弱死道路壯者入賊中

夙夜連率韓博

地理志東

萊不夜縣莽曰夙夜

上言有奇士長丈大十圍

長直亮翻

來至臣府欲

奮擊胡虜自謂巨毋霸出於蓬萊東南五城西北昭如

海瀕

師古曰昭如海名瀕厓也神仙家言蓬萊有五城十二樓

輶車不能載

輶音遙小車

三馬不能勝

勝音升

即日以大車四馬建虎旗載霸詣闕

霸卧則枕鼓以鐵箸食

枕職任翻箸遲倨翻

此皇天所以輔新室

也願陛下作大甲高車賁育之衣遣大將一人與虎賁

百人

賁音奔

迎之於道京師門戶不容者開高大之以示

百蠻鎮安天下博意欲以風莽

以莽字巨君諷言毋得篡盜而霸風讀曰諷

莽聞惡之

惡烏路翻

留霸在所新豐

師古曰在所謂其見到之處

更其姓



曰巨母氏謂因文母太后而霸王符也

師古曰莽字巨君若言文母出

此人而使致我致霸王更音古衡翻

徵博下獄

下邳稼翻

以非所宜言棄市

關東饑旱連年刁子都等黨衆寢多至六七萬

地皇元年春正月乙未赦天下改元曰地皇從三萬六

千歲歷號也莽下書曰方出軍行師敢有趨謹犯灋

者輒論斬毋須時

師古曰趨謹謂趨走而謹詳也須待也謹許元翻

於是春夏

斬人都市百姓震懼道路以目

韋昭曰不敢發言以目相眄而已

莽

見四方盜賊多復欲厭之

復扶又翻師古曰厭音一葉翻

下書又曰予

之皇初祖考黃帝定天下將兵為大將軍內設大將外  
置大司馬五人大將軍至士吏凡七十三萬八千九百  
人士千三百五十萬人予受符命之文稽前人將條備  
焉於是置前後左右中大司馬之位賜諸州牧至縣宰

皆有大將軍偏裨校尉之號焉

州牧為大將軍卒正連  
率大尹為偏將軍屬令

長為裨將軍  
縣宰為校尉

乘傳使者經歷郡國日且十輩倉無見穀

以給

師古曰見謂見在也  
傳知戀翻見賢遍翻

傳車馬不能足賦取道中車

馬

師古曰於道中行者  
即執取之以充事也

取辦於民

秋七月大風毀王

路堂

莽改未央宮前殿曰王路堂服虔曰如言路寢也路大也

莽下書曰乃壬午舖

時有烈風雷雨發屋折木之變

舖食也舖時食時也或曰舖即晡時日如申為

晡師古曰烈風烈暴之風折而設翻

予甚恐焉伏念一句迷乃解矣

師古曰先

言烈風雷雨後言迷乃解矣蓋取辭烈風雷雨弗迷以為言也

昔符命立安為新遷王

臨國洛陽為統義陽王議者皆曰臨國洛陽為統謂據

土中為新室統也宜為皇太子自此後臨久病雖瘳不

平

言疾雖有瘳不能平復如其初也

臨有兄而稱太子名不正惟即位

以來陰陽未和穀稼鮮耗

師古曰鮮少也耗減也鮮音先踐翻

蠻夷猾夏

寇賊姦宄

夏戶雅翻

人民征營無所錯手足

師古曰征營惶恐不自安之意

也錯七故翻

深惟厥咎在名不正焉其立安為新遷王

服虔曰安

莽第三子也遷音仙莽改汝南新蔡曰新遷師古曰遷猶僂耳不勞假借音

臨為統義陽王

莽又下書曰寶黃廡赤

服虔曰以黃為寶自用其行氣也廡赤廡役賤者皆衣赤

賤漢行也廡音斯

其令郎從官皆衣絳

從才用翻衣於既翻

望氣為數

者多言有土功象九月甲申莽起九廟於長安城南

九廟

祖廟五親廟四

黃帝廟方四十丈高十七丈

高居傲翻

餘廟半之制

度甚盛博徵天下工匠及吏民以義入錢穀助作者駱

驛道路

師古曰駱驛言不絕

窮極百工之巧功費數百餘萬卒徒

死者萬數

是月大雨六十餘日

鉅鹿男子馬適求

等謀舉燕趙兵以誅莽

師古曰馬適姓也求名也

大司空士王丹發

覺以聞莽遣三公大夫逮治黨與連及郡國豪桀數千

人皆誅死封丹為輔國侯 莽以私鑄錢死及非沮寶

貨投四裔

事見上卷始建國二年沮在呂翻

犯灋者多不可勝行

勝音升

乃更輕其灋私鑄作泉布者與妻子沒入為官奴婢吏

及比伍知而不舉告與同罪

師古曰比音頻寐翻又頻脂翻

非沮寶貨

民罰作一歲吏免官 太傅平晏死以予虞唐尊為太

傅尊曰國虛民貧咎在奢泰乃身短衣小裋乘牝馬柴

車藉橐以瓦器飲食

師古曰柴車即棧車藉橐去蒲弱也橐古袖字余按漢氏之盛乘特

北者禁不得會聚至鄉閭阡陌皆然朝市之間從可知矣尊為上公而乘北亦以矯世也又以厯遺

公卿

遺于季翻

出見男女不異路者尊自下車以象刑赭幘

汚染其衣

師古曰赭幘以赭汁漬巾幘汚烏故翻

莽聞而說之

說讀日悅

下詔

申敕公卿思與厥齊

師古曰令與尊同此操行也論語稱孔子曰見賢思齊故莽云然

封尊為平化侯

汝南郅惲明天文歷數以為漢必再

受命上書說莽曰

憚於粉翻  
說輪內翻

上天垂戒欲悟陛下令就

臣位取之以天還之以天可謂知命矣莽大怒繫憚詔獄踰冬會赦得出

二年春正月莽妻死謚曰孝睦皇后初莽妻以莽數殺

其子

數所角翻莽殺子獲見三十四卷哀帝建平二年通鑑書於三十五卷天壽元年殺子宇見三十六

卷平帝元  
始三年

涕泣失明莽令太子臨居中養焉

養余亮翻

莽妻

旁侍者原碧莽幸之臨亦通焉恐事泄謀共殺莽臨妻

愔國師公女

師古曰愔音一尋翻

能為星語臨宮中且有白衣會

晉書天文志木與金合為白衣之會上與金合亦為白衣之會言宮中者以所會之舍占而知之語牛倨翻

臨喜以為所謀且成後貶為統義陽王出在外第愈憂

恐會莽妻病困臨予書曰

予讀曰與

上於子孫至嚴前長孫

中孫年俱三十而死

字字長孫獲字中孫獲先死安得俱年三十乎長知兩翻中讀曰仲

今臣臨復適三十誠恐一旦不保中室則不知死命所

在

李奇曰中室臨之母也晉灼曰長樂宮中殿也師古曰二說皆非也臨自言欲於室中自保全不可得耳

復扶又翻下同

莽候妻疾見其書大怒疑臨有惡意不令得會

喪既葬收原碧等考問具服姦謀殺狀莽欲秘之使殺



案事使者司命從事埋獄中

司命從事司命之屬官也

家不知所在

賜臨藥臨不肯飲自刺死

刺七亦翻

又詔國師公臨本不知

星事從愔起愔亦自殺

是月新遷王安病死初莽為

侯就國時

哀帝初莽就國元壽元年召還京師

幸侍者增秩懷能生子興

匡皆留新都國以其不明故也

師古曰言侍者或與外人私通所生子不可分

明也及安死莽乃以王車遣使者迎興匡封興為功修公

匡為功建公

卜者王況謂魏成大尹李焉曰

莽改魏郡曰魏

成漢家當復興李氏為輔因為焉作讖書合十餘萬言

因為于偽翻

事發莽皆殺之

莽遣太師義仲景尚

莽以太師主春

其屬置義仲官

更始將軍護軍王黨

諸將軍皆置護軍

將兵擊青徐賊

國師和仲曹放助郭興擊句町

莽以國師主秋故置和仲句町音助挺

皆

不能克軍師放縱百姓重困

重直用翻

莽又轉天下穀帛

詣西河五原朔方漁陽每一郡以百萬數欲以擊匈奴

須卜當病死莽以庶女妻其子後安公奢

莽女掇侍者開明所生也

以妻奢李奇曰奢本為侯莽以女妻之故進爵為公妻七組翻

所以尊寵之甚厚終欲

為出兵立之者

師古曰言為此計意不止為于偽翻下同

會莽敗云奢亦死

秋隕霜殺菽關東大饑蝗 莽既輕私鑄錢之灋犯

者愈衆及伍人相坐沒入為官奴婢其男子檻車女子

步以鐵瑱琅當其頸傳詣鍾官以十萬數

師古曰琅當長瑱也鍾官

主鑄錢之官也到者易其夫婦

師古曰改相配匹不依其舊也

愁苦死者什六

七 上谷儲夏自請說瓜田儀降之

儲夏人姓名戰國時齊有儲子儀

未出而死莽求其尸葬之為起冢祠室謚曰瓜寧殤男

此殤非未成人之殤強死者也楚詞所謂國殤者

閏月丙辰大赦 郎陽成

脩獻符命

姓陽成名脩而官為郎也

言繼立民母又曰黃帝以百二

十女致神僊

漢儒言天子三夫人九嬪二十七世婦八十一御妻則亦百二十女

莽於是

遣中散大夫謁者各四十五人

百官志中散大夫秩六百石時屬司中

分

行天下

行下孟翻

博采鄉里所高有淑女者上名

上時掌翻

莽

惡漢高廟神靈

惡烏路翻

遣虎賁武士入高廟四面提擊

師古

曰謂夢見譴責提擲也音徒計翻

斧壞戶牖

師古曰以斧斫壞之音怪

桃湯赭鞭

鞭灑屋壁

師古曰桃湯灑之赭赭赤也

令輕車校尉居其中

漢以

虎賁校尉主輕車此輕車校尉莽所置也

是歲南郡秦豐聚衆且萬人平

原女子遲昭平亦聚數千人在河阻中

姓譜遲姓也樊遲之後以王父

字為氏一日古  
賢人遲任之後

莽召問羣臣禽賊方畧皆曰此天囚行

尸命在漏刻

言其得罪於天死在頃臾其猖狂為盜持尸行耳

故左將軍公孫

祿徵來與議

師古曰與讀曰豫

祿曰太史令宗宣

宗姓晉伯宗之後伯宗本

出於宋桓公

典星歷候氣變以凶為吉亂天文誤朝廷太傅

平化侯尊飾虛偽以偷名位賊夫人之子

扶夫音

國師嘉

信公秀

信當作新

顛倒五經毀師灋令學士疑惑明學男張

邯地理侯孫陽造井田使民棄土業

邯下甘翻

羲和魯匡設

六筦以窮工商說符侯崔發阿諛取容令下情不上通

宜誅此數子以慰天下又言匈奴不可攻當與和親臣

恐新室憂不在匈奴而在封域之中也莽怒使虎賁扶

祿出

祿之言則直矣然以漢舊臣而與莽朝之議出處語默於義得乎事君若龔務者可也

然頗

采其言左遷魯匡為五原卒正以百姓怨誹故也六筦

非匡所獨造莽厭衆意而出之

師古曰厭滿也音一艷翻

初四方皆

以饑寒窮愁起為盜賊稍羣聚常思歲熟得歸鄉里衆

雖萬數不敢畧有城邑日閑而已

師古曰閑盡也隨日而盡也此言羣盜攻

剽所得日給口體而已閑空穴翻

諸長吏牧守皆自亂闔中兵而死

師古

曰中傷也  
音竹仲翻

賊非敢欲殺之也而莽終不諭其故

師古曰不曉此

意也是歲荊州牧發犇命二萬人討綠林賊賊帥王匡等

相率迎擊於雲杜

賢曰雲杜縣名屬江夏郡故城在今復州沔陽縣西北杜佑曰安州應城

縣漢雲杜縣地

大破牧軍殺數千人盡獲輜重

重直用翻

牧欲北歸

馬武等復遮擊之

復扶又翻

鈞牧軍屏泥

屏泥縱油飾之在軾前

刺殺

其驂乘

刺七亦翻乘繩證翻

然終不敢殺牧賊遂攻拔竟陵

賢曰竟陵

縣名屬江夏郡故城在郢州長壽縣南

轉擊雲杜安陸

賢曰安陸縣屬江夏郡今安州縣

多略婦女還入綠林中至有五萬餘口州郡不能制又

大司馬士按章豫州

師古曰有上章相告者就而按治之豫州部潁川汝南沛郡梁國魯

國

為賊所獲賊送付縣士還上書具言狀

還從宣翻又如字

莽

大怒以為誣罔因下書責七公曰

七公謂四輔三公

夫吏者理

也宣德明恩以牧養民仁之道也抑強督姦

師古曰督謂察視也

捕誅盜賊義之節也今則不然盜發不輒得至成羣黨

遮略乘傳宰士

傳知總訓

士得脫者又妄自言我責數賊何

為如是

數所具訓

賊曰以貧窮故耳賊護出我今俗人議者

率多若此惟貧困饑寒犯灋為非大者羣盜小者偷穴



師古曰穴謂穿牆為盜也

不過二科今乃結謀連黨以千百數是逆

亂之大者豈饑寒之謂邪七公其嚴敕卿大夫卒正連

率庶尹謹牧養善民急捕殄盜賊有不同心并力疾惡

黠賊

惡鳥路翻  
黠下八翻

而妄曰饑寒所為輒捕繫請其罪

請治其罪

也於是羣下愈恐莫敢言賊情者州郡又不得擅發兵

賊由是遂不制

言不可制也

唯翼平連率田況素果敢發民

年十八以上四萬餘人授以庫兵與刻石為約樊崇等

聞之不敢入界況自劾奏

劾戶  
奏翻

莽讓況未賜虎符而擅

發兵此弄兵也厥罪之興

師古曰擅發之罪與之軍興同科也

以況自詭

必禽滅賊故且勿治

治直之翻下同

後況自請出界擊賊所嚮

皆破莽以璽書令況領青徐二州牧事

璽斯氏翻

況上言盜

賊始發其原甚微部吏伍人所能禽也

部吏部盜賊之吏郡賊曹縣游

微鄉亭長之類是也師古曰伍人同伍之人若今伍保者也

咎在長吏不為意縣欺

其郡郡欺朝廷實百言十實千言百朝廷忽略不輒督

責遂至延蔓連州

師古曰延音亦戰翻

乃遣將帥多使者傳相監

趣

傳知總翻監古街翻師古曰趣讀曰促

郡縣力事上官應塞詰對

師古曰力

勤也塞當也塞悉  
則翻詰去吉翻

共酒食具資用以救斷斬

師古曰交懼斬死之

刑也共讀曰供斷  
丁管翻又丁亂翻

不暇復憂盜賊治官事

復扶又翻治直之翻

將

帥又不能躬率吏士戰則為賊所破吏氣浸傷徒費百

姓前幸蒙赦令賊欲解散或反遮擊恐入山谷轉相告

語

語牛倨翻

故郡縣降賊皆更驚駭恐見詐滅因饑饉易動

降戶江翻易以鼓翻

旬日之間更十餘萬人此盜賊所以多之故

也今洛陽以東米石二千竊見詔書欲遣太師更始將

軍二人爪牙重臣多從人眾道上空竭

言牢粟不給也

少則無

以威示遠方宜急選牧尹以下明其賞罰收合離鄉小

國無城郭者

小國諸列侯國也

徙其老弱置大城中積臧穀食

臧讀曰藏

并力固守賊來攻城則不能下所過無食執不得

羣聚如此招之必降擊之則滅今空復多出將帥

復扶又翻

郡縣苦之反甚於賊宜盡徵還乘傳諸使者

傳知戀翻

以休

息郡縣委任臣況以二州盜賊必平定之莽畏惡況

畏惡

其能也惡烏路翻

陰為發代

為于偽翻

遣使者賜況璽書使者至見

況因令代監其兵

監古街翻

遣況西詣長安拜為師尉大夫

況去齊地遂敗

三年春正月九廟成納神主

木主也

莽謁見大駕乘六馬

以五采毛為龍文衣著角長三尺

師古曰以被馬上也著陟畧翻長直亮翻

又造華蓋九重

古今注曰華蓋黃帝所作也黃帝與蚩尤戰于涿鹿之野常有雲氣金枝玉葉

因而作華蓋重直龍翻

高八丈一尺

高居微翻

載以四輪車輓者皆呼

登仙莽出令在前百官竊言此似輜車

輜音而喪車也

非僊物

也 二月樊崇等殺景尚

景尚去年所遣

關東人相食

夏

四月遣太師王匡更始將軍廉丹東討衆賊

更工衡翻

初樊

崇等衆既寢盛乃相與為約殺人者死傷人者償創

初創

良其中最尊號三老次從事次卒史

師古曰言不為大號余謂三老從事

卒史皆郡縣史也崇等起於民伍所識止此耳其後黨衆日盛氣勢日張則攻長安立盆子非其初不為大號

也及聞太師更始將討之恐其衆與莽兵亂乃皆朱其

眉以相識別

別彼列翻

由是號曰赤眉匡丹合將銳士十餘

萬人

將即亮翻下遣將同

所過放縱東方為之語曰寧逢赤眉不

逢太師太師尚可更始殺我卒如田況之言

卒子恤翻

莽

又多遣大夫謁者分教民煮草木為酪

服虔曰煮木實或曰如今餌木

之屬也如淳曰作杏酪之屬也師古曰如說是也

酪不可食重為煩費

師古曰重直用

翻

綠林賊遇疾疫死者且半乃各分散引去王常成

丹西入南郡號下江兵王鳳王匡馬武及其支黨朱鮪

張卬等北入南陽號新市兵

鄭國志新市縣屬江夏郡水經注新市縣治杜城屬

竟陵郡杜佑曰漢新市縣故城在郢州富水縣東北

皆自稱將軍莽遣司命大將

軍孔仁部豫州納言大將軍嚴尤秩宗大將軍陳茂擊

荊州

莽賜司卿及六卿號皆大將軍

各從吏士百餘人乘傳到部募士

傳知

尤謂茂曰遣將不與兵符必先請而後動是猶紿韓

盧而責之獲也

師古曰繼繫也韓盧古韓國之名天也黑色曰盧繼音私列翻

蝗從

東方來飛蔽天 流民入關者數十萬人乃置養贍官

稟食之

師古曰稟給也音彼甚翻食讀曰飮

使者監領

監古街翻

與小吏共盜

其稟

師古曰盜其稟者盜所給之物

餓死者什七八先是莽使中黃門

王業領長安市買

先悉薦翻

賤取於民民甚患之業以省費

為功賜爵附城莽聞城中饑饉以問業業曰皆流民也

乃市所買梁飯肉羹持入示莽曰居民食咸如此莽信

之 秋七月新市賊王匡等進攻隨

賢曰隨縣屬南陽郡今隨州縣

平



林人陳牧廖湛復聚衆千餘人號平林兵以應之

廖姓譜周

文王子伯廖之後風俗通古有廖叔安左傳作颺蓋其後也水經注章水南還隨郡平林縣故城西俗謂之將陵城與新市接界賢曰廖音力弔翻平林地名在今隨州隨縣東北復扶又翻

莽詔書讓廖

丹曰倉廩盡矣府庫空矣可以怒矣可以戰矣將軍受

國重任不捐身於中野無以報恩塞責

塞悉則翻

丹惶恐夜

召其掾馮衍以書示之

掾俞絹翻

衍因說丹曰張良以五世

相韓椎秦始皇博浪之中

事見七卷秦始皇二十九

將

軍之先為漢信臣

賢曰庶寢寢武人宣帝時為後將軍即丹之先

新室之興英

俊不附今海內潰亂人懷漢德甚於周人思召公也

召公

之教明於南國周人思之為賦甘棠召音邵

人所歌舞天必從之

賢曰詩小雅曰雖無

德與女式歌且舞言漢氏之德人歌舞之也書曰人之所欲天必從之

今方為將軍計莫

若屯據大郡鎮撫吏士砥厲其節納雄桀之士詢忠智

之謀興社稷之利除萬人之害則福祚流于無窮功烈

著於不滅何與軍覆於中原身膏於草野功敗名喪恥

及先祖哉

師古曰與猶如也喪息浪翻

丹不聽衍左將軍奉世曾孫

也冬無鹽索盧恢等舉兵反城附賊

師古曰索盧姓也恢名也呂氏春秋

禽滑釐有門人索盧參反城據城以反也一曰反音暢  
今語賊猶曰幡城索音先各翻余謂一說是賢曰無鹽

縣屬東平郡故城在今鄆州須昌縣之東  
廉丹王匡攻拔之斬首萬餘級莽

遣中郎將奉璽書勞丹匡勞力到翻進爵為公封吏士有功

者十餘人赤眉別校董憲等眾數萬人在梁郡校戶教下同

梁國時除為郡王匡欲進擊之廉丹以為新拔城罷勞罷讀曰疲當

且休士養威匡不聽引兵獨進丹隨之合戰成昌師古曰成

昌地名也余據後漢書亦當在無鹽縣界兵敗匡走丹使吏持其印鞞節付

匡鞞音弗曰小兒可走吾不可遂止戰死校尉汝雲王隆

等二十餘人別闔

汝姓也左傳晉大夫女齊陸德明曰女音汝

聞之皆曰庶

公已死吾誰為生

為手偽翻

馳犇賊皆戰死國將哀章自請

願平山東

將即亮翻

莽遣章馳東與太師匡并力又遣大將

軍楊浚守敖倉司徒王尋將十餘萬屯洛陽鎮南宮大

司馬董忠養士習射中軍北壘

恐當作北軍中壘

大司空王邑

兼三公之職初長沙定王發生舂陵節侯買買生戴

侯熊渠熊渠生考侯仁仁以南方卑濕徙封南陽之白

水鄉與宗族往家焉

賢曰舂陵鄉名本屬零陵冷道縣在今永州唐興縣北元帝時徙南

陽仍號春陵故城在今隨州棗陽縣東杜佑  
曰棗陽後漢蔡陽縣漢春陵故城在今縣東  
仁卒子敞

嗣值莽篡位國除節侯少子外為鬱林太守

賢曰鬱林郡今郴州

縣余按唐郴州無鬱林縣而唐之桂柳鬱邕  
象鸞潯南尹樂融賓等州皆漢鬱林郡地

外生鉅鹿

都尉回

賢曰鉅鹿郡今邢州縣余按唐邢州固有  
鉅鹿縣而唐邢趙二州皆漢鉅鹿郡地

回生

南頓令欽

賢曰南頓縣屬汝南郡故城在今陳州項城  
縣西括地志陳州南頓縣古頓子國逼於陳

南徙故  
曰南頓

欽娶湖陽樊重女

湖陽縣屬南陽郡宋白  
曰湖陽縣古蔡國地

生三

男縯仲秀

縯音  
衍

兄弟早孤養於叔父良縯性剛毅慷慨

有大節自莽篡漢常憤憤懷復社稷之慮不事家人居

業傾身破產交結天下雄俊秀隆準日角

賢曰隆高也許貢云鼻頭

為準鄭玄尚書中候註云日角謂庭中骨起狀如日

性勤稼穡

賢曰種曰稼

縝常非

笑之比於高祖兄仲

賢曰仲邵陽侯喜也能為產業高祖為太上皇壽曰始大人常以臣

不能治產業不如仲力

今其業所就孰與仲多秀姊元為新野鄧晨妻秀嘗與

晨俱過穰人蔡少公少公頗學圖讖言劉秀當為天子

少詩照翻識楚諧翻

或曰是國師公劉秀乎秀戲曰何用知非僕

邪坐者皆大笑晨心獨喜宛人李守好星歷讖記

宛於翻

好呼到翻為莽宗卿師

賢曰平帝五年王莽攝政郡國置宗師以主宗室蓋時尊之故曰宗卿師

也余按莽置宗師主漢宗室耳此宗卿師莽篡時所置也嘗謂其子通曰劉氏當興

李氏為輔及新市平林兵起南陽騷動通從弟軼謂通

曰從才用翻軼音逸又徒結翻今四方擾亂漢當復興復扶用翻南

陽宗室獨劉伯升兄弟汎愛容衆可與謀大事續字伯升通

笑曰吾意也會秀賣穀於宛宛於元翻通遣軼往迎秀與相

見因具言讖文事與相約結定計議通欲以立秋材官

都試騎士日劫前隊大夫甄阜及屬正梁丘賜莽改南陽曰前

隊置大夫職如太守屬正職如都尉師古曰隊音遂甄之人翻因以號令大衆使軼與

秀歸春陵舉兵以相應於是縯召諸豪桀計議曰王莽  
暴虐百姓分崩今枯旱連年兵革並起此亦天亡之時  
復高祖之業定萬世之秋也

言定天下傳之萬世此其時也

衆皆然之

於是分遣親客於諸縣起兵縯自發春陵子弟諸家子

弟恐懼皆亡匿曰伯升殺我及見秀絳衣大冠

董巴輿服志曰

大冠者武官冠之東觀記上時絳衣大冠將軍服也

皆驚曰謹厚者亦復為之乃

稍自安凡得子弟七八千人部署賓客自稱柱天都部

賢曰柱天若天之柱也都部者都統其衆也

秀時年二十八李通未發事覺



亡走父守及家屬坐死者六十四人續使族人嘉招說

新市平林兵

說輸芮翻

與其帥王鳳陳牧西擊長聚

帥所類翻聚才

喻翻下同

進屠唐子鄉

賢曰多所誅殺曰屠唐子鄉有唐子山在今唐州湖陽縣西南

又殺

湖陽尉軍中分財物不均衆恚恨欲反攻諸劉

恚於避翻

劉

秀歛宗人所得物悉以與之衆乃悅進拔棘陽

賢曰棘陽縣名

屬南陽郡在棘水之陽古謝國也故城在今唐州湖陽縣西北棘音紀力翻

李軼鄧晨皆將

賓客來會

將即亮翻

嚴尤陳茂破下江兵成丹王常張卬

等收散卒入婁谿略鍾龍間

質曰婁音力于翻盛弘之荆州記曰永陽縣北有石

龍山在今安州應山縣東北  
又隨州隨縣東北有三鍾山  
衆復振復扶又引軍與荆

州牧戰于上唐

賢曰上唐鄉名故城在今隨州棗陽縣東北水經注上唐本蔡陽縣之上唐鄉

春秋時唐國也大破之十一月有星孛于張賢曰張南方宿續漢志曰張為

周地晉書天文志張六星在天廟北字蒲內翻劉縯欲進攻宛至小長安聚

賢曰續漢書潯陽縣有小長安聚故城在今鄧州南陽縣南杜佑曰南陽宛縣縣南三十七里有小長安

與甄阜梁丘賜戰時天密霧漢軍大敗秀單馬走遇女

弟伯姬與共騎而奔前行復見姊元趣令上馬騎奇計翻復扶

又翻下同趣讀元以手揮曰行矣不能相救無為兩沒日促上時掌翻

也會追兵至元及三女皆死續弟仲及宗從死者數十

人

從才用翻

續復收會兵衆還保棘陽阜賜乘勝留輜重於

藍鄉

賢曰北陽縣有藍鄉重直用翻

引精兵十萬南度潢渚

賢曰酈道元注水經

曰諸水二湖流注合為黃水又南經棘陽縣之潢渚聚又謂之潢渚水在今唐州湖陽縣

臨泚水

水經

注泚水出泚陽縣東北大胡山南與澧水會謂之泚水昔漢光武破甄阜梁丘賜於泚水西斬之於斯水也杜佑曰漢舞陽故城在唐州泌陽縣北有泌水在縣南光武破阜賜處

阻兩川間為營絕後

橋示無還心新市平林見漢兵數敗

數所角翻

阜賜軍大至

各欲解去續甚患之會下江兵五十餘人至宜秋

賢曰宜秋

聚名在此陽縣余按續漢志南陽平氏縣有宜秋聚續即與秀及李通造其壁曰

造七願見下江一賢將議大事衆推王常續見常說以

合從之利賢曰以利合曰從說輪常大悟曰王莽殘虐

百姓思漢今劉氏復興復扶又即真主也誠思出身為

用輔成大功續曰如事成豈敢獨饗之哉遂與常深相

結而去常還具為餘將成丹張卬言之常與續會餘二將

翻將即丹卬負其衆曰大丈夫既起當各自為主何故

受人制乎常乃徐曉說其將帥曰王莽苛酷積失百姓

之心民之謳吟思漢非一日也故使吾屬因此得起夫  
民所怨者天所去也民所思者天所與也舉大事必當  
下順民心上合天意功乃可成若負強恃勇觸情恣欲  
雖得天下必復失之以秦項之勢尚至夷覆況今布衣  
相聚草澤以此行之滅亡之道也今南陽諸劉舉兵觀  
其來議者皆有深計大慮王公之才與之并合必成大  
功此天所以祐吾屬也下江諸將雖屈彊少識

屈彊梗  
辰貌屈

音居 勿翻 彊音其  
兩翻 少詩 沼翻

然素敬常乃皆謝曰無王將軍吾屬

幾陷於不義

幾居希翻

即引兵與漢軍新市平林合於是諸

部齊心同力鉤氣益壯續大饗軍士設盟約休卒三日

分為六部十二月晦潛師夜起襲取藍鄉盡獲其輜重

重直用翻

資治通鑑卷三十八